

MANANA ZANAK'ONDRY IRAY

VOAOMANA ANDRIAMANITRA

 Ndao isika hamaky avy ao—ao amin’ny Bokin’i Masindahy Marka, Mino aho fa izaho dia, nifidy ny hamaky vetivety sy hiresaka, ary ny andininy faha-46 an’ny—an’ny toko faha-10. Ndao isika hitsangana ho fanajana ny Teny, raha mamaky isika. Ny Teny dia Andriamanitra. Fantatsika rehetra izany. Noho izany dia mitsangana ianareo, fianianana am-pahatokiana, izay tokony hataonareo; mitsangana ianareo mba hiarahaba ny saina rehefa akarina izy; nahoana no tsy amin’ny Tenin’Andriamanitra rehefa vakiana Izany?

Ary tonga tao Jeriko izy ireo: ary raha niala tao Jeriko izy ireo niaraka tamin’ireo mpianany sy vahoaka betsaka, Bartimeo jamba, zanak’i Timeo, dia nipetraka teo amoron-dàlana nangataka.

Ary rehefa reny fa Jesosy avy any Nazareta ilay izy, dia nanomboka niantsoantso izy, ka nanao hoe, Ry Jesosy, ianao ry zanak’i Davida, mamindrà fo amiko.

Ary maro no niteny mafy azy mba hihazona ny filaminany: fa vao mainka niantsoantso tamin’ny feo mafy izy hoe, Ianao ry zanak’i Davida, mamindrà fo amiko.

Dia nijanona Jesosy, ary nasainy nantsoina izy. Dia niantso an’ilay lehilahy jamba izy ireo, nanao taminy hoe, Matokia, mitsangana; miantso anao izy.

Ary izy, nanary ny lambany, nitsangana, ary nanatona an’i Jesosy.

Dia namaly Jesosy ka nanao taminy hoe, Inona no tianao hataoko ho anao? Hoy ilay lehilahy jamba taminy hoe, Tompo, mba ahafahako mahazo ny fahitako.

...Jesosy nanao taminy hoe, Zory ny lâlanao; ny finoanao noefa nanao anao ho salama. Dia nahazo ny fahitany teo no ho eo izy, ka nanaraka an’i Jesosy teny an-dàlana.

² Ndao isika hivavaka. Fanahy Masina Lehibe, velombelomy ho anay ity Teny ity, izao hariva izao, ao amin’ity tantara antsehatra kely ity. Ary enga anie izahay hahita an’ity tantara ity ho velona indray, ary, eo am-panaovana an’izany, dia handray finoana fa mbola velona foana Andriamanitra, ary Izy no tsy miova omaly, anio, ary mandrakizay. Mangataka

an'izany amin'ny Anaran'i Jesosy izahay, Ny Zanany malalany, Mpamonjinay. Amena.

Afaka mipetraka ianareo.

³ Ny lohahevitsika izao hariva izao dia: *Manana Zanak'ondry Iray Voamana Andriamanitra*.

⁴ Ary ankehitriny dia nanana tena fotoana iray lehibe isika aninkeo maraina, raha nahita an'i Jesosy niditra tao Jeriko. Ary hitantsika fa nisy lehilahy kely iray tany amin'ny anarana hoe Zakaiosy, izy—nihaniaka hazo sykomora iray ka nanafina ny tenany, satria tsy nino izy fa mpaminany iray Jesosy. Fa ny vadiny dia mpianatr'i Jesosy, ary nivavaka ho azy izy. Ary rehefa tonga teo ambanin'ilay hazo mihitsy Jesosy, dia nijanona Izy, niandrandra ka niantso azy tamin'ny anarana, ary nanao hoe, "Midina, ho any an-trano miaraka aminao Aho androany." Ary nieritreritra aho fa ho zavatra tsara iray izao hariva izao, ihany koa, raha mbola eto isika, raha hanohy miaraka amin'i Jesosy fotsiny isika. Nangataka Azy isika aninkeo maraina handeha hiaraka amintsika, ary tiantsika ny nandeha niaraka Taminy, ka ndao fotsiny isika hanohy hiaraka Aminy ao Jeriko.

⁵ Ankehitriny, izao hariva izao, ny tantarantsika dia misokatra ao amin'ilay toerana iray ihany, ao Jeriko indray, ary Jesosy dia ao an-tranon'i Zakaiosy ankehitriny, mihinana Ny—Ny sakafony. Ary andro mangatsiaka iray an'ny Oktobra izany, ary mbola vao maraina be mihitsy, mbola, ary ny rivotra dia midina avy eny—eny an-tendrombohitra. Any amin'ny manodidina an'i Jodia, dia tena mangatsiaka izy eny ambony eny, vao maraina be, indrindra amin'io fotoan'ny taona io.

⁶ Ary ny firenena amin'io fotoana io, tahaka an'izany mihitsy aza ao amin'ny firenena tranainy ankehitriny, feno mpangataka izany. Mijoro manodidina eny amoron'ny lalambe izy ireo ary mangataka. Izaho... Mbola ao amin'ireny firenena ireny, feno mpangataka ireo lalambe. Inde ary, oh, Afrika, ary toerana maro, mbola manana mpangataka foana izy ireo; mandringa, malemy, jamba, kilemaina. Ary matetika ireo olona izay tsy afaka manao fivelomana ho azy ireo, amin'ny tenany, dia mangataka fotsiny izy ireo, ary mipetraka eo matetika ka maty noana.

⁷ Izaho, tany Inde, nandeha teny an-dàlambe fotsiny aho, niaraka tamin'ny vola vitsivitsy izay nomen'ireo olona ireo ahy, ary natakaloko izany avy tamin'ny dolara ho rupees. Ary niezaka ny—ny hizara an'izany, nahoana, tsy maintsy nitondra milisy izy ireo hisintona ahy hiala teny amin'ny lalambe; nirohotra nankeo amiko izy ireo. Ary nisy vehivavy mahantre nandry teo, matin'ny hanoanana. Zaza kely iray, ary tena noana izy hany ka niraikitra tamin'ny taolana ny nofo, ka hitanareo lasa mitambatra ilay karandoha kely. Ary atolotra anareo ilay zazakely, miezaka mba hanome an'ilay zazakely ho anareo mba tsy ho faty izy. Raha alainareo *ity* anankiray ity, dia ahoana ny amin'itsy anankiray

itsy, ahoana ny amin'ity anankiray ity, ahoana ny amin'ny...? Oh, oadray, izany dia, ianareo—ianareo... Raha hijery an'izay ariantsika ao anatin'ny daban-jaoridira eto isika, dia hamahana an'ireo olona ireo izany, saiky. Tsy fantatrareo fotsiny hoe tsara toy ny ahoana ity firenena ity, rehefa mahita ny sisa amin'izao tontolo izao noana ianareo.

⁸ Ary feno mpangataka ilay izy. Ary amin'ity andro ity, raha misokatra ny tantarantsika, dia nisy ny... Hitantsika fa ireto mpangataka rehetra ireto dia nandeha, mazàna, any Jeriko, eo amin'ilay vavahady avaratra, izay andehanana avy any Jerosalema. Tsy tanàna manan-karena loatra i Jeriko. Fa Jerosalema, ilay fomba fainana lehibe, toerana malaza an'ilay tempoly, ka—ka ny manan-karena rehetra dia nandeha nankany Jerosalema, ary tanàna malaza iray mamiratra izany. Ary ny olona avy ao dia manan-karena raha ny marina. Ary ireo mpivarotra, sy ny sisa, rehefa miditra izy ireo, amin'ny antoandro, dia efa nanana ny fipetrahany ireo mpangataka ireo; lalàna tsy voasoratra iray izany, fantatr'izy ireo fotsiny hoe aiza no hipetraka ny tsirairay avy ho an'ny, hangataka ny mofony, ny fiantrany.

⁹ Ary tsy maintsy tonga aloha be teo izy ireo rehefa nuditra ireo mpivarotra, satria ilay lehilahy dia nanampy mpangataka anankiray fotsiny ihany isan'andro, nanana vola madinika iray izay napetrany tao anatin'ny paosiny talohan'ny nialany. Ary, mazava ho azy, tamin'io fotoana io, dia i Roma no nifehy an'i Palestina, ary ny vola niasa dia denaria Romana. Ary noho izany izy ireo dia nanana ny—vola madinika kely iray, natolony an'ilay mpangataka voalohany izany, angamba, ary izay ihany ho an'ilay andro. Izy dia tsy afaka ny—ny hanome ho an'ny mpangataka tsirairay. Noho izany ilay anankiray izay nihaona taminy voalohany, mazava ho azy, no mahazo an'ilay vola madinika. Noho izany dia nanana ny toerany tany ivelan'ny vavahady izy ireo, alohan'ny nidiran'ny olona nankao amin'ny tanàna mihitsy aza, ireo mpizaha-tany, sy ny sisa. Ary izy ireo no niandraikitra an'io vavahady avaratra io, indrindra, hahazoana an'ireo mpizaha-tany mandeha avy eo.

¹⁰ Ary hitantsika aninkeo maraina izay resahantsika, fa ny masoandro dia manomboka miposaka ankehitriny, eo amin'ny sivy ora eo, nisy mpangataka jamba anankiray izay tonga somary tara.

¹¹ Efa nanana alina ratsy iray izy. Jamba izy. Efa jamba izy hatramin'ny naха-zazalahy kely azy. Ary tonga tara izy. Izy tsy... Natory maraina izy, tamin'io maraina io, satria nanonofy izy ny alina manontolo hoe afaka nahita indray izy. Ary nivadibadika izy teo am-pandriany. Ary—ary afaka nahita izy, nihevitra izy fa afaka nahita, nefo nifoha niaraka tamin'io fahadioam-panantenana io, fa tsy afaka nahita izy. Raha ny marina, dianofy iray fotsiny ilay izy.

¹² Ary nanao ny lèlany nankany amin'ny toerany izy. Ary rehefa tonga teo izy, (tantara an-tsehatra iray ity ankehitriny, mba hahatongavana eo amin'ny hevitro) dia tsy nisy anankiray teo. Nisy zavatra hafahafa izay nitranga. Tsy mbola nihoatra ny tamin'ny sivy sy sasany na tamin'ny folo akory, nefà—nefa tsy nisy mpangataka anankiray teo. Mazàna, dia teo amin'ny toerany ny olona tsirairay. Tsy fantany izay nitranga tao antanàna; izany no nananantsika tamin'ny sakafô marainantsika aninkeo maraina, sy noresahantsika. Niditra avy teo amin'ny vavahady Jesosy ary nandeha nankao an-tanàna, ary—ary maro ny olona niditra mba hahita hoe inona daholo ny mikasika an'izany, ary lasa ireo mpangataka. Ary tsy fantany izany, tonga tara. Noho izany dia afaka mahita azy isika rehefa manomboka miantso an'ireo karazana anarana izy, nefà tsy nisy—tsy nisy olona teo. Karazana resaka manirery. Nanontany izy, eny, angamba ireo—ireo manamboninahitra Romana no nandroaka azy ireo niala teo amin'ilay toerana, na zavatra iray. Noho izany dia tsy nandre na iza na iza izy, noho izany izy... Somary nangatsiaka ny andro, ary rovidrovitry izy ka tena rotidrotika tsara mihitsy ireo fitafiany.

¹³ Ary nitsapatsapa teo izy mandra-pahitany vato iray ho azy izay teo amin'ny masoandro, izay nilatsaka avy teo amin'ireo rindrina angamba izay nandrodan'an'Andriamanitra an'ilay rindrina fahiny, tamin'ny andron'i Josoa. Nipetraka teo ambonin'io vato io izy, ary niezaka nieritreritra mikasika nynofiny ny alina talohan'io, ho tena misy toy ny ahoana ilay izy raha afaka nahita marina tokoa izy. Saingy, izy—tsy afaka nahita izy. Jamba izy. Ary nanomboka nieritreritra an'ireo zavatra ireo izy, ary niverina nankany amin'ny fahazazana ny sainy.

¹⁴ Fantatrareo, izaho—tiako ny manao an'izany, mipetraka ary mieritreritra an'ireo zavatra izay lasa, ireo zavatra nahafinaritra, an'ireo fandresena izay efa hitako azon'ny Tompo, ary—ary ireo fotoana.

¹⁵ Ary Bartimeo, araka ny ahafantarantsika azy amin'ny anarana, dia nanonofy tamin'io alina io fa nahazo ny fahitany izy, nanomboka nieritreritra izy hoe ho tena misy toy ny ahoana ilay izy raha afaka nahita marina tokoa izy. Nieritreritra izy hoe, “Oh, efa ela no nahajamba ahy, tsy fantatro akory aza hoe ahoana no nahafahako nivezivezy indray.” Noho izany dia nanomboka nieritreritra an'ireo taona maro tany aoriana izy, fony izy zazalahy kely iray. Nilalao teny amin'ny havoana izy fahiny, ilay sisiny, teo amin'ny morona izay idinan'i Jordana izany; ary eo ambany eo ny lohasaha, izay nambolen'izy ireo voamaina. Ary nipetraka teo amin'ny sisin'ilay havoana izy, hoy isika. Ary tsaroany hoe tsara toy ny ahoana izany, ary amin'ny Lohataona, mba—mba handinika an'ireo—ireo voninkazo kely raha naniry izy ireo; ary ahoana no nakany eran'ny tanana kely

tamin'izy ireo, ary nipetraka ka nijery an'ireo lanitra manga tsara tarehy.

¹⁶ Fantatrareo, zavatra iray mahatsiravina ny fahajambana. Rehefa mahita lehilahy iray aho, jamba, dia onena azy ny foko. Fa, kanefa, mahafantatra fahajambana iray izay ratsy indrindra aho, fahajambana ara-panahy; ahoana fa Andriamanitra dia nanao ny olona mba—mba hahita Azy, nefá tsy afaka manao an'izany izy ireo.

¹⁷ Indray mandeha, ilay valam-bibin'i Cincinnati, efa tany aho, izahay sy ny zanakovavy kely no tany. Mpitia ankalamanjana lehibe iray aho, araka ny fantatrareo. Ary hitako fa nahazo voromahery iray izy ireo ka—ka nametraka azy tao anatin'ny tranom-borona iray, ary io vorona mampalahelo io! Nandre tabataba iray aho; ary nihazona an'i Saraha kely tamin'ny tānana aho, ka izahay—nandeha nankeo amin'ilay tranom-borona izahay. Ary teo io vorona goavana be io, nandeha rà nanerana ny tarehiny rehetra, niendaka taminy daholo ireo volom-borona. Nieritreritra aho hoe, “Fahitana iray mahonena toy ny inona!”

¹⁸ Nianjera izy. Nandeha nanerana an'ilay tranom-borona izy. Naka bahana izy, ary indro izy tonga, nanakopakopaka ny elany indray, mba—mba hanapoaka ny lohany teo amin'ny sisin'ilay—ilay tranom-borona, nanakopakopaka ny elany ambony-sy-ambany, nanandrana ny hivoaka avy ao amin'ilay tranom-borona, ary nanakopaka ny elany. Saingy voasambotra izy. Nianjera teo amin'ilay gorodona indray izy ary nandry teo, ka nihodinkodina ny masonry, niandrandra izy ka nahita an'ireo lanitra manga izay nahaterahany. Voron-danitra iray izy, fantatrareo. Saingy, hitanareo, zava-bitan'ny olon-kendry iray no nanao azy tao anatin'ny tranom-borona iray.

¹⁹ Nitsangana teo aho nijery an'izany. Nieritreritra aho hoe, “Ho nanome ny zavatra rehetra aho raha afaka nividy azy. Raha afaka nividy azy aho, dia hamotsotra azy, hanao hoe, ‘Mandrosoa, ry vorona antitra, ianao dia—ho tianao izany. Tiako koa. Aoka ho afaka ka miakara eny ambony eny. An'ny eny ambony eny ianao. Teraka ho an'izany ianao.’” Nieritreritra aho hoe, “Izany no fahitana mahonena indrindra izay hany hitako.”

²⁰ Nalaiko i Sarah, nohazoniko teo an-tsandriko. Hoy aho hoe, “Ry malala, io no iray amin'ireo fahitana ratsy indrindra izay hany hojeren'ny masonao.”

²¹ Nitsangana teo aho, nieritreritra. Nieritreritra aho hoe, “Tsia, izaho—mahafantatra fahitana ratsy indrindra noho izao aho. Jereo ery ambonin'ny havoana ery; ireo lehilahy miaraka amin'ny boatin-dabiera eny an-tānany, ireo vehivavy manao sorta, sigara iray.” Nefá izy ireo dia nateraka mba ho zanakalahy sy zanakavavin'Andriamanitra tokoa, fa indro izy ireo ao anatin'ny tranom-boron'ny fahotana izay nametrahan'i Satana

azy ireo. Mahonena, jamba ara-panahy, voafefy; angamba mikambana amin'ny fiangonana iray, mihira ao amin'ny antoko mpihira iray, saingy mbola voafefy ao anatin'ny fahotana.

²² Ary raha niezaka nieritreritra indray an'ilay fotoana fony izy zazalahy kely iray Bartimeo, ahoana fa teo amin'ny roa ora teo, ny hariva, ny reniny tsara tarehy, Jiosy kely dia niantso azy hoe, "Bartimeo." Toa saiky reny indray ny feony, raha nanako teny amin'ireo havoana izany, ka tonga izy nihazakazaka. Ary nivoaka teo amin'ny lavarangana aloha izy ka naka an'ilay seza mandrotsirotsy tranainy, ary nampakatra azy teo an-tsandriny. Ary tsaroany hoe ahoana no nijereny an'ireo masonry tsara tarehy, sy hoe reny iray tsara tarehy toy ny inona no nananany. Ary ahoana no nandrotsirotsiany azy mba hatory taloha, mba handraisany ny fialan-tsasany amin'ny hariva. Ary ahoana no nanaovany an'izany, niteny taminy an'ireo tantara, ireo tantaran'ny olony, sy ny amin'ireo mpaminanin'Andriamanitra lehibe sy mahery izayefa teo anivon'izy ireo. Ary ahoana fa tiany izany, tiany ny nandre an'izany.

²³ Tena mampalahelo fa ireo reny dia mametraka ny zanany eo amin'ny fandaharan'ny televiziona mikasika ny zavamahamenatr'i Hollywood; raha tokony hanao an'ilay zavatra iray ihany, miteny amin'izy ireo an'ireo tantaran'ny Baiboly.

²⁴ Fa reny Hebreo tena izy iray izy, ary niteny tamin'ireo ankizy kely an'ireo tantara. Nilaza izy hoe, niteny taminy mikasika an'Andriamanitra nandefa an'ilay Mosesy lehibe, mahery, fony izy ireo andevo tany Egypta. Nampantanena an'i Abrahama Ray Andriamanitra fa hanafaka azy ireo. Ary Izy dia niseho tamin'ny—ny—ny mpaminany lehibe izay natsangan'Andriamanitra teo anivon'izy ireo, nantsoina hoe Mosesy. Ary tonga tamin'ny endrika Andry Afo iray Izy, ka naniraka an'i Mosesy nankany Egypta, ary tamin'ireo famantarana sy fahagagana lehibe, mahery no Namoaohany azy ireo. Ary ahoana fa tany an-efitra, tsy nisy mofo na inona na inona ho hanina, kanefa dia nandeha tao amin'ny laharan'ny fankatoavana izy ireo, ka nandatsaka mofo avy tany an-danitra Andriamanitra.

²⁵ Ary toa reko i Bartimeo kely manao hoe, "Neny, vetivety fotsiny. Tsy maintsy nampiasa an'Ireo Anjeliny rehetra Andriamanitra tany, ary nanana an'ireo fatana goavana be nanerana ny lanitra rehetra Izy, ka niasa nihoatra ny ora ireo Anjely, nanao an'ireo mofo ho vonona, sy nanosika azy hivoaka teo ambonin'ny . . ."

²⁶ "Tsia, malala, tanora loatra ianao mba hahazo. Hitanao, tsy mila manao an'izany Jehovah. Tsy mila manana fatana Jehovah. Mpamorona iray Izy. Miteny an'izany fotsiny Izy, dia tanteraka izany."

²⁷ Noho izany dia inona no holazaintsika mikasika an'i Jesosy, rehefa nahita Azy naka an'ilay zavatra iray ihany isika? Tsy maintsy misy zavatra araka an'Andriamanitra mikasika Azy. Tsy maintsy manana fifandraisana iray amin'i Jehovah Izy. Misy olona iray amin'izao andro izao miezaka manao Azy ho mpaminany iray fotsiny, na lehilahy tsotra iray, na filozofa iray, mpampianatra tsara iray. Tsy misy afa-tsy Andriamanitra voaseho tao amin'ny nofo Izy.

²⁸ Teo raha niresaka taminy izy ka niteny taminy mikasika ny hoe ahoana ny fitetezana an'ilay—ilay—ilay an-efitra lehibe, izay tany ankoatran'i Jordana fotsiny tamin'izany, ary ahoana fa tamin'ny Lohataona, tamin'ny volana Aprily, rehefa nitsonika ny oram-panala, tany Jodia, ka nidina avy teny an-tendrombohitra rehetra ny rano, ary Jordana rehetra dia—dia feno rano fotsiny, ireo riandrano lehibe tao amin'ny fanambanin'ny renirano. Toy ny hoe mpitari-dàlana mampalahelo iray Jehovah, hitondra ny Vahoakany tamin'io fotoana izay nahatondraka ny renirano io, tamin'ny faharatsiany indrindra. Ahoana no mba hahaizan'izy ireo hanorina tetezana iray hiampita an'izany? Ary Josoa kely, na kely...tsy Josoa.

Fa mety nilaza i Bartimeo kely hoe, “Mama, ahoana no Nanaovany an'izany?”

²⁹ Hoy izy, “Malala, tsarovy, mbola mpamorona foana Jehovah. Miteny fotsiny Izy, dia ny...”

³⁰ Tian'Andriamanitra ny mamela an'ireo zavatra ao amin'ny... rehefa ao anatin'ny korontana iray izany, ka maneho ny Tenany Andriamanitra. Amin'ny Lohataona mihitsy! Rehefa Fahavaratra, dia afaka miampita an'i Jordana tena mora mihitsy angamba ianareo, misy fiampitana iray avy eo amin'ny tanàna. Fantatsika izany, teo amin'izany no nandehanan'ireo mpisafotany mba hahatongavana teo amin'io. Fa namela ny lohasaha manontolo ho feno rano Andriamanitra, ary avy eo dia tonga Izy ka mameletra ny Heriny lehibe avy any An-danitra ka manao lâlana maina iray eo amin'izany. Ao ambany ao mihitsy no nitsangana ireo vato, izay nanangonan'i Josoa azy ireo, ho tsangambato iray ho an'i Jehovah, ahoana fa voakarakara ny olony. Ary izy...

³¹ Anankiray hafa izay izy—tiany marina tokoa, dia mikasika an'ilay—ilay vehivavy Sonemita. Tsaroany izany. Ary niteny taminy ny tantaran'ilay Sonemita ny reniny taloha, sy ny amin'ilay mpaminany lehibe, Elia, tamin'ny androny, ary ahoana fa tsara fanahy tamin'io mpaminany io ity vehivavy ity. Kanefa, tsy Isiraelita iray marina tokoa izy. Sonemita iray izy.

³² Noho izany dia nino izy fa mpaminany iray i Elia, mpaminany lehibe iray an'ny Tompo. Noho izany rehefa... Indray andro dia nilaza tamin'ny vadiny izy hoe, “Ndao isika hanamboatra efitra kely iray ho azy eo amin'ny ilan'ny

tranontsika, ka haneho hatsaram-panahy aminy, satria izy dia—dia lehilahy malaza iray.”

³³ Ary ahoana fa indray andro rehefa Elia sy Gehazy, ny mpanompony, no tonga ka nahita an’io hatsaram-panahy rehetra io izy ireo, dia hoy izy tamin’i Gehazy hoe, “Midira ka—ka—ka anontanio hoe, ‘Inona no azonay atao? Afaka miresaka amin’ilay mpanjaka ve aho na ilay lehiben’ny kapiteny?”

³⁴ Hoy izy hoe, “Tsia, monina eo anivon’ny oloko mihtisy aho. Mety tsara izany.”

³⁵ Fa hoy Gehazy hoe, “Momba izy. Antitra izy, antitra ny vadiny, nefä tsy manan-janaka izy ireo.” Ary hoy izy . . .

³⁶ Ary tsy maintsy nahita fahitana iray i Elia. Hoy izy hoe, “Mandehana, teneno aminy hoe, HOY NY TOMPO HOE, hahazo zazalahy kely iray izy.” Ary, afaka sivy volana, dia tonga ilay zazalahy kely.

³⁷ [Elanelana tsy voaraki-peo—Mpand.] . . . antitra, niaraka tamin’ny rainy izy, teny an-tsaha, tamin’ny fijinjana, ary tsy maintsy ho voan’ny masoandro izy. Nanohy nitomany izy hoe, “Ny lohako! Ny lohako!” Dia nandefa azy nankany an-trano ilay ray. Nihazona azy teo amin’ny lohaliny ilay reny, ka nandrotsirotsy azy, ary angamba nanome azy ny fanafody rehetra nisy mba homena azy. Ary lasa niha-ratsy ilay zazalahy kely hany ka, farany, teo amin’ny mitataovovonana, dia maty izy.

³⁸ Ary ahoana fa tsy nanaiky ho resy io reny kely io! Rehefa niditra ilay ray, ary niditra daholo ireo mpiara-monina, dia nitomany sy nihiaikiaka izy ireo, maty ilay ankizy kely, saingy mbola nanana finoana an’io mpaminany io foana izy, mpaminany Hebreo iray; izy, Jentilisa iray. Hoy izy hoe, “Asio lasely ny ramole iray, ary—ary aza—aza—aza mijanona, fa avelao aho handeha hankany amin’ilay zohy izay ipetrahan’io mpaminany io, any amin’ny Tendrombohitra Karmela.”

³⁹ Dia hoy ny vadiny hoe, “Sady tsy voaloham-bolana izao na sabata, ka tsy ho any izy.”

Hoy izy hoe, “Ho tsara ny rehetra.”

Hoy izy, “Mandehana.”

⁴⁰ Ary rehefa nahita azy tonga i Elia, dia nivoaka avy tao amin’ilay zohy izy sy Gehazy, ka njery, ary nitsangana teo. Dia indro izy tonga. Hoy izy hoe, “Indro tonga ilay Sonemita, ary sahiran-tsaina izy, saingy nohazonin’Andriamanitra ho tsiambaratelo iray izany, tamin’ny foko.”

⁴¹ Fantatrareo, tsy miteny ny zavatra rehetra amin’ireo mpaminaniny Andriamanitra, izay Tiany ho fantatr’izy ireo fotsiny.

⁴² Noho izany izy—nijery izy, ka hoy izy hoe, “Izy dia . . .” Hoy izy, “Mandehana, tsenao izy, ka manaova hoe, ‘Tsara daholo ve ny aminao? Tsara ve ny vadinao? Tsara ve ilay zaza?’”

Ary ity no ilay ampahany izay tiako, ihany koa.

⁴³ Rehefa nihaona taminy i Gehazy, dia hoy izy hoe, “Tsara ve ny aminao? Tsara ve ny vadinao? Tsara ve ilay zaza?”

⁴⁴ Hoy izy hoe, “Tsara ny rehetra.” Zazakely iray mandry maty, vady iray nihiakiaka, niraraka tao am-pony ireo ranomaso, nefá, “Tsara ny rehetra.” Tonga teo anatrehan’ilay lehilahy izay afaka niteny taminy sy nitso-drano azy izy, ary, nahazo an’ilay zazakely izy, azo antoka fa Andriamanitra no hanambara hoe nahoana no Nalainy izy. “Ny Tompo no nanome, ny Tompo no naka, isaorana anie ny Anaran’ny Tompo!” Te-hahafantatra izy hoe nahoana.

⁴⁵ Ary noho izany dia ahoana fa nanatona izy ary nianjera teo an-tongotr’i Elia, ka nanarina azy i Gehazy; tsy nety tamin’ny tompony izany. Dia nambarany izay tsy nety. Dia lasa i Elia ka nanangana an’ilay zazalahy kely, tamin’ny fametrahana ny vatany teo ambonin’ilay zazalahy kely.

⁴⁶ Ary tiako ianareo hanamarika ny finoan’ilay reny, ihany koa. Nampandry an’ilay zazakely teo ambonin’ny fandriana izay efa nandrian’i Elia izy. Tiako ianareo mba . . .

⁴⁷ Tiako ny hanazava ny hevitr’i Paoly eto, amin’ny fomba fiheverako. Fantatrareo, nametraka mosara teo amin’ny marary sy ory i Paoly, ary aron’akanjo. Tsy mino aho fa hoe tsy ara-tsoratra i Paoly. Heveriko fa tetra no nahazoany an’izany. Tsaroanareo ve hoe inona ilay zavatra voalohany nolazain’i Elia tamin’ilay—tamin’ilay Gehazy? “Ento ny tehiko ka mandehana apetraho eo ambonin’ilay zazakely izany.” Fantany fa ny zavatra rehetra nokasihany dia voatahy. Ary noho izany, tsaroanareo, tsy nivavaka teo amin’ireo mosara i Paoly. Naka avy teo amin’ny vatany fotsiny izy ireo. Izany no finoan’ny olona.

⁴⁸ Noho izany, hitanareo, hoy izy hoe, “Ento ny tehiko ka (raha misy olona miarahaba anao, dia aza mamaly miarahaba) apetraho eo amin’ilay zazakely izany.”

⁴⁹ Fa tsy tao amin’ilay tehina ny finoan’ilay vehivavy; tao amin’ilay mpaminany izany. Dia hoy izy hoe, “Tsy handao anao aho raha tsy . . . Azo antoka fa raha velona ny ainao, izaho—tsy handao anao aho.”

⁵⁰ Noho izany Elia, mba hiala aminy, dia tsy maintsy nandeha niaraka taminy. Noho izany dia niditra izy ka nametraka ny vatany teo ambonin’ilay zaza kely, maty, ary nievina impito izy ka tonga tamin’ny fiainana.

⁵¹ Oadray, inona ny—tantara iray lehibe toy ny inona izany ho an’io kely Barti- . . . Bartimeo io, fony izy za—za—zazalahy kely iray. Toy ny ahoana no nitiavany an’io tantara kely io taloha,

satria fitsanganan'ny zazalahy kely iray izany. Anankiray amin'ireo tiany indrindra izany.

⁵² “Saingy tamin’ny andro lasa izany,” ilay mpisorona no miteny aminy ankehitriny. “Indrisy, tamin’ny andro izay nananan’ny Isirael lehilahy malaza, mahery izany; mpaminany lehibe, mahery no nandeha teo amin’ny firenena.” Fa hoy ilay mpisorona hoe, “Fantatralo, tsy mila mpaminany intsony Jehovah.” Tsy ireo mpisorona ihany no milaza an’izany. Fa—fa izy ireo no nilaza tamin’izany hoe, “Tsy mila mpaminany intsony Jehovah. Nanome antsika ny lalàna Izy, ary nanorina fiangonana iray isika, tempoly iray, ka izay ihany no ilaintsika.” Ary saiky tahaka an’izany no inoan’izy ireo amin’izao andro izao, saingy mbola mijanona ho Jehovah foana Jehovah ary tsy afaka manova ny Lèlany Izy; Andriamanitra Izy, ary tsy miova. Ankehitriny dia nino izy ireo fa izany no—izany ihany no—no nilain’izy ireo.

⁵³ Ary noho izany raha mbola nipetraka teo izy tao amin’ionofy antoandro io, raha izay ilay izy, nieritreritra an’izany, ka nitodika nankany amin’ilay masoandro mafana ireo masonry jamba; tampoka teo, dia henony ny fitefotefoky ny tongotry ny ramole kely iray tonga teo amin’ilay—ilay arabe vato, tonga avy tany Jerosalema, rarivato, niditra. Raha... dia nihaino tsara izy, ary nisy olona niaraka tamin’ny kapan-tongotra nihazakazaka teo alohan’ilay ramole kely. Ary fantany fa tsy maintsy lehilahy iray manan-karena izany, satria amin’ny alàlan’ny ramole no anaovany dia ary nanana mpanompo iray ihany koa izy hitarika an’ilay ramole.

⁵⁴ Noho izany dia mitsangana izy, nahafantatra fa tsy maintsy mahazo vola izy mba—mba hivelomana. Noho izany dia mitsangana izy ary mametraka ny akanjony manodidina azy, akanjo rovidrovitra kely iray, ka nihazakazaka nankeny andàlambe, ka hoy izy hoe, “Mila fiantrana iray aho. Tara aho aninkeo maraina. Hanome ahy fiantrana iray ve ianao azafady? Jamba aho.”

⁵⁵ Ary mandre feo tena henjana iray isika tonga, “Mialà eo amin’ny lèlana, ry mpangataka! Mpanompon’i Jehovah aho. Mpisorona iray aho. Tonga avy any Jerosalema aho, nirahin’ny fikambanana, hampijanona an’io favorian’ny fanasitranana izay hisy eto io izao maraina izao eto—eto Jeriko. Tsy maintsy hihaona amin’ireo rahalahy eto aho ka hahita mba tsy handehan’io zavatra io, hamory ny olona. Misy mpaminany sandoka eto amin’ny firenena, hitanao. Izahay dia... mandre izahay fa eto Jeriko Izy izao maraina izao, ary eo amin’ny lèlako aho. Mialà eo amin’ny lèlana!” Mpisorona. “Ary, eny àry, ry mpanompo, zory ny lèlanao.” Dia nitsambikimbikina indray ilay ramole kely.

⁵⁶ Avy eo mitsapa ny lèlany miverina ilay mpangataka mandrapahitany an’ilay vato, nipetraka. Nanohy ny nofiny izy, ary rehefa nanomboka nieritreritra izy hoe, “Teo amin’io lèlana kely

izay nitsanganako io; tsy ela loatra izay, ilay mpaminany lehibe sy mahery, Elia sy Elisa, no tonga, nifampisakambina, nandeha teo amin'io lèlana iray ihany io, nifampisankambina, nandeha nidina nankeo Jordana. Ary hisokatra indray i Jordana. Ary teo amin'ilay ilany hafa, ho an'io mpaminany antitra reraka io, Elia, dia nisy kalesy Afo iray sy soavalý Afo, nifatotra teo amin'ny rantsana iray teo, mba hitondra azy hody. Ary tsy maintsy njery izy, io Elia tanora io... Tsy maintsy nitodika i Elisa ka nahita an'ilay asam-panompoana teo anoloany, izay nipetraka teo anoloany. Tsy maintsy nihazona ny masonry teo amin'io mpaminany io izy."

⁵⁷ Ary hihevitra aho fa nilaza i Bartimeo hoe, "Raha afaka velona fotsiny mantsy aho tamin'izany andro izany, ka nipetraka teo, dia ho nihazakazaka nankeo amin'ireo mpaminany ireo aho, niankohoka tamin'ny tavako, ka nanao hoe, 'Oh, ry mpaminanin'Andriamanitra! Mivavaha ho ahy, dia hanome ahy ny fahitako indray Jehovah.' Saingy hoy ilay mpisorona hoe, 'Izany dia, tsy misy intsony ny zavatra tahaka an'izany. Tsy manana an'izany isika. Jehovah dia tsy manasitrana amin'ny alàlan'ny Heriny, intsony. Manana an'ireo dokotera sy ny sisa isika izay manao an'izany. Ary tsy mila an'izany intsony isika, noho izany dia tsy manasitrana Jehovah. Efa tamin'ny andro lasa izany. Mitandrina ny lalana fotsiny isika. Ary marary isika, sy maty ka mandeha any An-danitra, dia izay ihany. Izay ihany no ilaintsika.'"

⁵⁸ Noho izany raha nanomboka nieritreritra izy, tamin'izay fotoana izay dia nahatsiaro izy. Tsy dimanjato yards avy teo amin'izay nipetrahany akory; rehefa avy niampita Isiraely ka nitoby, ary ny rehetra tao amin'ny lamina, ny tranolay rehetra tao amin'ny toerany, niandry baiko handeha hankao Jeriko... Ary angamba ilay vato izay nipetrahany mihitsy no anankiray izay nendahan'i Jehovah avy tamin'ny—avy tamin'ny rindrina.

⁵⁹ Dia hoy izy, "Eritrereto fotsiny izany! Tsy ela loatra akory izay, mpiady mahery iray, Josoa, lehibe, mpanompon'Andriamanitra mahery, dia niampita an'ilay renirano, tamin'ny Lohataona, nametraka an'ireo tranolay, teo anoloan'ilay fahavalo mihitsy. Indray andro, raha mbola nandinika ny paik'adiny izy ho an'ny fanafihana an'i Jeriko, indray hariva raha mbola nandeha izy, na indray maraina, njery an'ireo vavahady nanerana rehetra, ary lehibe toy ny ahoana izany. Afaka nampihazakazaka kalesy teo an-tampon'izany izy ireo, soavalý, mifanaraka maromaro, manodidina an'ilay vavahady. Toy ny ahoana no nijeren'i Josoa. Nijery izy nitsangana niankina tamin'ny rindrina, ary indro nitsangana ny Lehilahy iray niaraka tamin'ny Sabany voatsoaka. Namoka ny sabany i Josoa ary nandeha nihaona Taminy. Nihiaikiaka i Josoa, nanao hoe, 'Momba anay ve Ianao sa isan'ny fahavalonay Ianao?' Hoy Izy hoe, 'Tsia, Izaho no Kapitenin'ny tafiky ny

Tompo.' Natsipin'ilay Josoa mahery tamin'ny tany ny sabany, ary nesoriny ny fiarovan-dohany ka nianjera teo an-Tongony izy."

⁶⁰ Nieritreritra i Bartimeo jamba hoe, "Dimanjato yards avy teo amin'izay ipetrahako izao ankehitriny izao izany. Izay nisy an'ilay tafiky ny Tompo mahery, ilay Kapitenin'ny tafika, sy niankohofan'i Josoa teo an-Tongony. Oh, raha mba teo fotsiny mantsy aho tao anatin'ireo tranolay ireo, jamba tamin'izany, dia ho nangataka tamin'ilay Kapitenin'ny Tompo mahery aho raha hanome ahy ny fahitako Izy, dia ho Nataony izany." Kely no nahafantarany fa io Kapiteny iray io ihany dia teo amin'ny latsaky ny zato yards niala teo aminy.

⁶¹ Izany no manao an'ireo tsi-fahombiazantsika, izao hariva izao. Miezaka isika ny mametraka ny voninahitra rehetra, sy Kristy, ao amin'ny taona hafa tany aorianana tany. Hoy ny Baiboly hoe, "Izy no tsy miova omaly, anio, ary mandrakizay." Ato amin'ity tranobe ity mihitsy Izy, izao hariva izao, tahaka ny hany Nandehanany tany Galilia na Jerosalema.

⁶² Nivoaka avy tao an-tranon'i Zakaiosy io Kapiteny lehibe io, ary ny olona dia—dia niandry Azy tany ivelany.

⁶³ Afaka minitra vitsy, dia mandre tabataba iray izy, ary nanana feo nifangaro ilay tabataba.

⁶⁴ Ny anankiray dia manao hoe, "Hosana ho an'ilay Mpaminany izay tonga amin'ny Anaran'ny Tompo! Isaorana anie ilay Mpaminany avy any Galilia, ilay Mpanompon'i Jehovah!"

⁶⁵ Ireo hafa nanao hoe, "Alaviro ny Olona tahaka an'io! Tsy hanana ny iray amin'Izany isika eto amin'ity tanàna ity." Ary raha nandroso izy ireo, dia nitoraka voankazo lò Azy ny sasany tamin'izy ireo, raha nandroso nankeo amin'ny vavahady Izy.

⁶⁶ Ary izy—tsy mbola nandre zavatra tahaka an'izany mihitsy izy, noho izany dia hoy izy hoe, "Inona no miseho? Inona daholo izany tabataba izany? Inona no mitranga manodidina eto?" Ary nifanery ny olona.

⁶⁷ Afaka kelikely dia nandre ny feon'ilay mpisorona iray ihany izy izay nandeha mba hanao ny fikambanany tsy hanao an'ilay fivoriana. Nandre azy izy nanao hoe, "Niteny tamiko izy ireo fa manangana ny maty Ianao. Ankehitriny manana tanim-pasana iray manontolo izahay feno azy ireny eto eny amin'ny havoana, avelao izahay hahita Anao ho tonga ka hanangana sasantsasany eo anatrehanay."

⁶⁸ Saingy, fantatrareo, nandroso nankany Jerosalema Izy, niakatra mba hohomboana. Ireo fahotana rehetra an'izao tontolo izao dia teo Aminy, ka nandeha nankany Jerosalema Izy mba hatolotra ho fanatitra iray. Ary nanaraby sy naneso Azy izy ireo; ary ny sasany tamin'izy ireo nisaotra Azy, fa ny sasany tamin'izy ireo nanozona Azy. Tahaka ny misy fotsiny saiky ao

amin'ny fivoriana tsirairay izay misy Azy; ny sasany momba Azy, ny sasany manohitra Azy. Fa toa tsy nanelingelina Azy mihitsy izy. Nanana ny Tarehiny nitodika nankany amin'ny fiafaran'ny Lâlany Izy. Ary nanohy nandeha Izy, am-pahatokiana, raha nanohy Izy, njery nankany Jerosalema. Ary lehilahy kely roa ambin'ny folo no niambina Azy teo, niezaka nanakana ny vahoaka betsaka. Ary ny sasany niezaka hikasika Azy. Ary ny sasany nihiakiaka sy naneso Azy, sy—sy ny sisa.

⁶⁹ Ary somary nanitsaka an'ilay lehilahy antitra jamba ny vahoaka betsaka, raha manana an'ilay olontsika isika izao hariva izao, ary nanosika azy hianjera izy ireo. Ary ndao isika hieritreritra fa nisy ramatoa tsara tarehy iray, tanora nandalo, angamba mety ho efa rahavavin'i Rebeka tao amin'ny tantarantsika aninkeo maraina, na ilay izy dia—dia mpino an'i Kristy iray. Ary nahita azy ireo nanosika an'ilay lehilahy antitra izy, ary nahita fa izy dia...tsy tsara fanahy taminy izy ireo. Fa satria mpino iray an'i Jesosy izy, dia izany no nanao azy ho tsara fanahy. Izany foana no ataony. Manao an'ilay izy hihevitra ny antitra sy ireo manana ilaina izany. Ary voatosika nianjera ilay lehilahy antitra, dia niondrika izy hanarina azy. Izy . . .

⁷⁰ Mety nilaza taminy izy, zavatra tahaka an'izao hoe, "Ry ramatoa tanora, afaka miteny aho, amin'ny alàlan'ny feonao, fa ramatoa tanora iray ianao."

⁷¹ "Eny, izany aho. Hitsangana ve ianao, ry lehilahy antitra? Mino aho fa mety nandratra anao izy ireo."

⁷² Hoy izy hoe, "Inona daholo ny amin'ilay—ilay horakoraka? Inona daholo ilay fikorontanana, korontana eto? Inona daholo izany?"

⁷³ "Nahoana," hoy izy, "tsy azonao ve fa Jesosy avy any Nazareta, ilay Zanak'i Davida, dia eto amin'ny tanàna? Izy io mandalo io, ilay Mpaminany avy any Galilia. Ny tianao ho lazaina ve dia hoe tsy mahafantatra ianao?"

"Tsia, izaho—izaho—tsy mbola nandre ny Aminy mihitsy aho."

⁷⁴ "Eny, mamelà ahy hiteny aminao izay nitranga aninkeo maraina teto amin'ny tanàna. Fantatrao ve i Zakaiosy, ilay lehilahin'ny trano fisakafoana?"

"Eny."

⁷⁵ "Somary mpitsikera foana izy. Mpino iray ny vadiny. Ary aninkeo maraina, Zakaiosy, tao ambonin'ny hazo iray, mba hijery an'i Jesosy handalo . . . Ary isika rehetra dia mahafantatra fa Izy no ilay Mpaminany. Ary rehefa nandalo Izy, dia nijanona Izy ka niandrandra ary niantso an'i Zakaiosy tamin'ny anarany; tsy mbola teto Jeriko mihitsy tany aloha."

⁷⁶ Miramirana ilay mpangataka antitra. Hoy izy hoe, "Noho izany dia izay no fahatanterahan'ny Deotoronomia 18:15 hoe,

‘Ny Tompo Andriamanitsika dia hanangana mpaminany iray tahaka an’i Mosesy.’ Tsy maintsy Izy izany. Raha Izy izany, dia aiza no misy Azy ankehitriny?’”

“Eo amin’ny zato yards fotsiny Izy eo akaikin’ny làlana.”

⁷⁷ Efa nandalo azy, nieritreritra izy. Noho izany dia nanomboka niantsoantso izy hoe, “Jesosy, Ianao ry Zanak’i Davida, mamindrà fo amiko. Mamindrà fo amiko, O ry Zanak’i Davida. Raha mbola mandalo Ianao, dia mamindrà fo amiko.”

⁷⁸ Ankehitriny, ara-batana, dia tsy afaka nandre ny feony mihitsy Izy, nohon’ny tabataba rehetra. Ny sasany nidera Azy ary ny sasany nisaotra Azy, ary ny sasany nanozona Azy. Ary, ilay tabataba, tsy afaka mihitsy Izy ny—ny handre azy.

⁷⁹ Saingy Izy no Teny. Ary rehefa miantsoantso ny fanahy iray; tahaka an’ilay vehivavy niaraka tamin’ny fitsiha-drà, izay nikasika ny Lambany. Hoy ny Baiboly hoe, “Nijanona Izy.” Izany no nampijanona Azy. Eritrereto izany, eritrereto fotsiny izany; hoe ilay—ilay antson’io anankiray jamba, mpangataka antitra tsy misy dikany io, ary niaraka tamin’ireo fahotan’izao tontolo izao sy ny enta-mavesatra teo Aminy, mandeha mankany Jerosalema mba ho lasa fanatitra ho an’ny fahotana, kanefa ny antson’ny fanahin’olombelona anankiray no nanao Azy hijanona sy nipetraka tsara.

⁸⁰ Izy no tsy miova omaly, anio, ary mandrakizay. Antso anankiray, izao hariva izao, dia hitondra Azy eo amin’ny sehatra, tahaka ny nataony tamin’izany mihitsy. Ahoana fa mijanona ho tsy miova Izy!

⁸¹ Tsaroako, indray hariva avy any Dallas, Texas. Efa taona maro lasa izany. Izaho dia nidina tao—tao Memphis. Ary nametraka ahy tao amin’io hotely malaza io izy ireo tany, ilay orin’asam-pitaterana no nametraka, Peabody Hotel. Ary niteny tamiko izy ireo fa hiantso ahy ny ampitso maraina, amin’ny fotoana hakana an’ilay fiara, hitondra hiverina hankany amin’ilay fiaramanidina.

⁸² Dia natory tsara aho nandrity ny alina; nifoha ny ampitso maraina, nanoratra taratasy vitsivitsy, nandeha nankany amin’ny paositra, mba handefa azy ireo. Nivoaka aho ary nanomboka teny an-dàlambe. Ary tampoka teo, dia nahatsapa Zavatra aho nanao hoe, “Mijanòna, ka miverena.”

⁸³ Eny, fantatrareo hoe ahoana no ahazoan’ny olona hevitra. Dia nieritreritra aho hoe, “Eny, izany angamba ilay izy.”

⁸⁴ Nandeha lavidavitra kely, ary nanohy nilaza indray Izany hoe, “Mijanòna, ka miverena.”

⁸⁵ Eny, izaho—nandeha nankeo amin’ny zoron-dàlana iray aho, nisy polisy Irlandais goavana iray teo amin’ny zoron-dàlana, ary izaho tsy . . . Nijery an’ireo haranjono sy ny sisa aho, teo amin’ny varavarankely iray. Ary mety efa nitsangana ela loatra kely

aho ka mety niahiahы izy hoe niezaka haka ny iray amin'ireo haranjono ireo aho, noho izany dia nihodina fotsiny aho ary nanomboka nandeha niverina. Ary rehefa nandeha niverina aho, haingana kokoa, haingana kokoa, ary nandalo teo akaikin'ilay hotely mihitsy aho, ka nandeha nidina nankany amin'ilay renirano, teny ambany. Tsy fantattro, ataoko fa afaka mahita an'ilay toerana aho, izao hariva izao. Dia nieritreritra aho hoe, "Indro efa tara izao, nefä misy Zavatra..."

⁸⁶ Mino ny hoe tarihin'Andriamanitra ve ianareo? Ary raha nanohy nandeha hatrany aho, izaho—izaho... Tara ilay izy ary fantattro fa tsy maintsy mandeha haingana aho, saingy nisy Zavatra nanohy nilaza fotsiny hoe, "Manohiza, manohiza."

⁸⁷ Ary satria efa saiky tara loatra ny hiverenako sy ahatratrarako ny fiaramanidiko, dia nieritreritra aho hoe, "Eny, izaho—tsy maintsy manaraka an'ity fitarihana ity aho." Ary sendra nihira an'ity hira kely ity aho, vao avy nihaona taminareo vahoaka Pentekotista mihitsy aho, saiky:

Niangona tao amin'ny efitra amboniy izy ireo,
Ary ny rehetra nivavaka tamin'Ny Anarany,
Ary natao batisa tamin'ny Fanahy Masina,
Sy ny hery satria tonga ny asa.

⁸⁸ Efa mba renareo ve izany hira izany? "Ary faly aho fa isan'izy ireo aho." Nanandrana hamerina an'izany hatrany aho, nanao hoe:

Avia, ry rahalahiko, hitady an'io fitahiana io
Izay hanadio ny fonao hiala amin'ny fahotana.

⁸⁹ Ary raha nandeha hatrany aho, teny an-dàlambe, nijery aho, ary nisy Nenitoa Jemima antitra iray nahazatra taloha teo niankina teo amin'ny fefy kely iray, ary trano kely iray, niloko teo, mitovy amin'ny tranobongo kely iray, voalalotra fotsy, niankina teo amin'ilay fefy. Nanana loba-dehilahy iray nifatotra nanodidina ny lohany izy.

⁹⁰ Dia nijanona tsy nihira fotsiny aho ary nanomboka nanohy nandeha. Tsy fantattro izay nalehako; nilaza fotsiny Izy hoe, "Manohiza, manohiza mandeha fotsiny." Ary noho izany rehefa tonga teo akaikiny mihitsy aho, dia hitako fa somary nitsiky izy. Dia nojereko izy, ary nahodiko ny lohako dia nanohy nandeha.

⁹¹ Hoy izy hoe, "Manao ahoana, parsona." Ankehitriny, any Atsimo, *parsona* dia midika hoe "mpitoriteny."

Ary izaho—hoy aho hoe, "Manao ahoana, nenitoa."

⁹² Nitodika aho, ary nieritreritra aho hoe, "Ahoana no nahafantarany fa parsona iray aho?" Nefa aho tsy nanana Baiboly iray na inona na inona.

Nitodika aho. Hoy aho hoe, "Ahoana no nahafantaranao fa parsona iray aho?"

Hoy izy hoe, “Fantattro fa ho tonga ianao.”

Dia hoy aho hoe, “Somary hafahafa, amiko.”

⁹³ Dia—dia hoy izy hoe, “Efa mba namaky ve ianao tao amin’ny Baiboly mikasika an’ilay vehivavy Sonemita?”

Hoy aho hoe, “Oh, eny, madama.”

⁹⁴ Hoy izy hoe, “Fantatralo, izy tsy . . . momba izy, tsy nety nanan-janaka izy.”

Hoy aho hoe, “Eny, madama, tsaroako ilay tantara.”

⁹⁵ Hoy izy, “Ary nampanantena ny Tompo izy, ary nitaiza an’io zazakely io ho an’ny Tompo izy, mazava ho azy.” Dia hoy izy, “Fantatralo, izaho io karazam-behivavy io.” Hoy izy hoe, “Tsy nety nahazo zanaka aho, izaho sy ny vadiko.” Dia hoy izy, “Nampanantena ny Tompo aho, raha hanome ahy zazakely iray Izy, dia hotezaiko ho Azy izany.” Hoy izy, “Nanome ahy zazakely iray Izy.” Dia hoy izy, “Nitaiza an’ilay zazalahy tamin’ny tsara indrindra izay vitako aho, mba hanompo ny Tompo.” Hoy izy hoe, “Saingy, fantatralo,” hoy izy, “tratry ny naman-dratsy izy, ary tratry ny—ny—ny aretina iray ao amin’ny vatany.” Dia hoy izy, “Efa nanome azy an’ireo tsindrona rehetra izay azony nomena azy ny dokotera. Ary nipa ritaka izany,” hoy izy, “ny ràny dia efatra plus, aretin’ny fananahana,” sifilisy. Ary noho izany dia hoy izy, “Niverina nankao amin’ny fony ny ampanhan’ny ràny. Misy lavaka ao anatin’ny fony.” Dia hoy izy, “Mandry ao anatin’ny ao izy, tsy mahatsiaro tena.” Dia hoy izy, “Teto ny dokotera lahy iray, roa andro lasa izay, ka nanao hoe, ‘Tsy hifoha intsony izy. Lasa izy.’”

⁹⁶ Dia hoy izy, “Tsy afaka mahatanty mihitsy ny hahita ny zazakeliko ho faty tahaka an’izany aho.” Dia hoy izy, “Noho izany izaho—izaho—nivavaka aho ny alina manontolo hoe, ‘Tompo, raha haka azy Ianao . . . Ianao no nanome azy ho ahy; saingy izaho—izaho—te-handre azy aho hilaza fa voavonjy izy, mba ahafantarako fa hihaona aminy indray aho.’” Dia hoy izy, “Izaho—nivavaka aho, ary nivavaka ny vavaka saiky tahaka an’ilay vehivavy Sonemita voalaza.”

⁹⁷ Dia hoy izy, “Izaho—nandeha natory aho, ary nanonofy nofy iray.” Hoy izy hoe, “Ary nilaza tamin’ny Tompo aho, nanao hoe, ‘Ianao no nanome ahy an’ilay zazakely.’ Dia hoy izy, ‘Tahaka an’ilay vehivavy Sonemita aho, saingy aiza ny Mpaminaninao?’ Dia hoy izy, nilaza Izy hoe, ‘Jereo, izay tonga eto.’ Dia nahita lehilahy iray aho nanao satroka kely iray teo amin’ny ilan’ny lohany, manao an’io palitao sy pataloha volontany io, nandeha teny an-dàlambe.”

⁹⁸ Dia hoy izy, “Teo amin’ny efatra ora teo izany aninkeo maraina.” Hoy izy hoe, “Efa nitsangana teto aho hatramin’io.”

Mbola Andriamanitra foana Izy. Mamaly eo amin’ny lafiny roa Izy.

⁹⁹ Hoy aho hoe, “Branham no anarako. Mivavaka ho an’ny marary aho. Efa mba nandre ny amin’ny asam-panompoako ve ianao?”

¹⁰⁰ Hoy izy hoe, “Tsia, tompoko, Parsona Branham, tsy mbola nandre ny aminao mihitsy aho.” Dia hoy izy hoe, “Tsy hiditra ve ianao?”

¹⁰¹ Ary rehefa nandeha hamoha an’ilay vavahady aho, izany dia nanana fe—fefy kely iray teo, ary ilay vavahady dia nanana savilin’angadin’omby iray nihantona teo aminy, tahaka ny any Arkansas. Eo ampitan’ilay renirano avy eo fotsiny izany, na ahoana na ahoana, noho izany dia fantatrareo hoe inona izany. Noho izany dia natosiko ilay vavahady dia niditra aho.

¹⁰² Rehefa niditra tao amin’io trano io aho. Efa tao amin’ireo lapan’ny mpanjaka aho, mpanjaka telo na efatra samihafa; mpanjakan’i Angletera, Mpanjaka Gustaf an’i Suède, toerana maro, nandeha ary nivavaka niaraka tamin’izy ireo. Ary efa tao amin’ny sasany amin’ireo trano mahafinaritra indrindra aho, heveriko, tany Hollywood. Fa tsy mbola voaray tsara kokoa noho izaho tao amin’io anankiray io mihitsy aho. Efitrano kely tranainy tsotra iray fotsiny, efitra roa, lakozia kely no teny aoriana, fandriana kely eto, ary fandriana misy andry tranainy kely iray. Tsy nisy sarisary apetaka teo amin’ny rindrana. Fa nisy peta-drindrina iray teo, nanao hoe, “Andriamanitra anie hitahy ny tranonay.”

¹⁰³ Nijery aho, nandry teo, ary zazalahy mainty goavana be iray, toy ny teo amin’ny valo ambin’ny folo taona teo, lehibe, matanjaka, toa zazalahy salama. Ary nihazona an’ilay bodofootsy teny an-tànanay izy, ary nanao hoe, “Ah! Ah!”

Dia hoy aho hoe, “Inona ny olana aminy?”

¹⁰⁴ Hoy izy hoe, “Izy—mihevitra izy fa eo ambonin’ny ranomasina mainty iray izy, very. Ary milaza izy, manohy milaza izy fa izy dia ‘very, eny ambonin’ny ranomasina,’ ka tsy mety mahita ny lâlany. Mihevitra izy fa mivoy lakana iray izy.” Hoy izy, “Efa nandritry ny roa na telo andro na nanaovany an’izany.” Dia hoy izy, “Izaho—tsy afaka hamela azy ho faty tahaka an’izany mihitsy aho.” Hoy izy, “Hivavaka ho azy ve ianao?”

Hoy aho hoe, “Eny, madama.”

¹⁰⁵ Nanomboka niresaka mikasika ny fanasitranana aho. Tsy liana tamin’izany izy. Te-handre azy hilaza fotsiny izy hoe voavonjy izy. Izay ihany no nahaliana azy, hoe voavonjy izy. Ary izaho—nilaza aho fa izy dia . . .

¹⁰⁶ Nandeha izy ary nandray azy tamin’ny lohany ka nanosika azy, nanoroka azy teo amin’ny takolaka, ka hoy izy hoe, “Andriamanitra anie hitahy ny zazakelin’i mama.”

¹⁰⁷ Nitsangana teo aho njery an'izany, ka nieritreritra aho hoe, “Hia, hia, izay ilay izy.” Tsy mampaninona na henatra firy aza no nentiny teo amin’ny fianakaviana, lavitra toy ny ahoana no misy azy, tsy mampaninona na inona ny olana misy azy, izy dia mbola “zazakelin’i mama.”

¹⁰⁸ Dia nieritreritra aho hoe, “Hoy ny Baiboly hoe, ‘Afaka manadino ny zanany minono ny reny iray, fa Izaho tsy afaka hanadino anao. Ianao dia . . .’ Fitavana betsaka toy ny ahoana izany! ‘Vita sokitra eo amin’ny Fela-tànako ny anaranareo.’”

¹⁰⁹ Norohany izy. Nandohalika izahay. Nipetraka teo antongot’ilay fandriana aho. Nametraka ny tânako teo ambonin’ny tongony aho, nahamay izy ireo, nadity.

¹¹⁰ Ary izaho—hoy aho hoe, “Nenitoa, hivavaka ve ianao aloha?” Ary, ry sakaiza, fantatro fa efa niresaka Taminy izy taloha. Oh, vavaka iray toy ny inona no nataony tamin’Andriamanitra!

Avy eo dia hoy izy hoe, “Hivavaka ve ianao?”

Ary hoy aho hoe, “Eny, madama.”

¹¹¹ Hoy aho hoe, “Ray any An-danitra, tara farafahakeliny adiny iray an’ilay fiaramanidina aho. Ianao no niteny tamiko mba—mba ho tonga eto, ary nanohy nandroso fotsiny aho. Ary noho izany dia tsy fantattro raha teto no Nilanao ahy, na tsia, fa teto aho no nijanona. Raha Ianao no naniraka ahy hivavaka ho an’ity zazalahy ity . . .”

¹¹² Ary saiky tamin’izay fotoana izay, dia hoy izy hoe, “Oh, mama!”

Hoy izy hoe, “Inona no ilain’ny zazakelin’i mama?”

¹¹³ Hoy izy, “Miha-mazava ato amin’ny efitra.” Teo amin’ny dimy minitra, dia nipetraka teo amin’ilay fandriana izy.

¹¹⁴ Nivoaka haingana aho, nanohy nandeha. Nieritreritra aho hoe, “Eny, afaka maka taxi iray fotsiny aho, dia izay ihany, ary hiandry andro iray amboniny, na oviana na oviana no ahafahako mahazo fiaramanidina iray hafa.”

¹¹⁵ Vantany vao niditra ny vavahady fotsiny aho, tara adiny roa mahery, dia reko izy nanao hoe, “Antso farany ho an’ny sidina nomerao fito amby enimpolo, mankany Louisville, Kentucky.”

¹¹⁶ Inona? Inona? Ny fahamasi-mandidin’Andriamanitra! Hitanareo? Ny vavaka sy ny finoan’io vehivavy mahantara, kely, tsy misy dikany, mainty io, no nametraka an’io fiaramanidina io ka nihazona azy teo. Izay no ilay Andriamanitra iray ihany izay afaka nijanona ka nitodika nankany amin’ny mpangataka jamba iray teo amin’ny—teo amin’ny rindrin’i Jeriko. Izay no ilay Andriamanitra tsy miova omaly, anio, ary mandrakizay. Ny finoana no manao an’izany. Tiany ianareo hino an’izany.

¹¹⁷ Eo amin’izay ihany, teo amin’ny roa taona taty aoriana dia nandalo teo aho tao amin’ny fiaran-dàlamby iray, nandeha,

niverina nankany Phoenix. Ary, fantatrareo, ampandoavin'izy ireo betsaka ianareeo ho an'ireny sandwiches ireny, mazàna aho no miezaka midina eo amin'ny gara iray ka mividy hamburgers vitsivitsy ho ahy, harona iray feno azy ireny, mba hanao ho ahy mandra-pidiko, satria ampandoavin'izy ireo dimy amby fitopolo cents ianareeo ho an'ny sandwich antitra kely iray izay voasilaka tena manify ka ny ilany iray fotsiny no misy an'ilay izy. Ary—ary izany, ankehitriny, mahatsiravina izany. Ary izaho—nidina tao Memphis aho. Ary raha efa mba tany Memphis ny olona iray, dia mahafantatra hoe ahoana no ijanonan'ny fiaran-dàlamby eo amin'ilay fihodinana eo. Nidina aho ary nihazakazaka tany nankeo amin'ny mpivarotra hamburger iray.

Nandre olona iray aho nanao hoe, “Manakory ny eo, Parsona Branham!”

¹¹⁸ Nitodika aho, teo io mpitondra entana kely io nitsangana teo, nitraka. Hoy aho hoe, “Manakory, anaka,” niverina.

Hoy izy, “Ianao, tsy mahafantatra ahy ianao, sa tsy izany?”

Hoy aho hoe, “Tsia, tsy mino aho fa mahafantatra.”

¹¹⁹ Hoy izy, “Fantatralo, indray andro dia tonga tao an-tranoko ianao.” Dia hoy izy, “Nitsangana tany ivelany ny mamako, ary nikapokapoka azy teo amin'ny lamosina ianao, kotsa.”

Hoy aho hoe, “Tsy ianao io zazalahy io?”

¹²⁰ Hoy izy, “Eny, izaho ilay izy.” Hoy izy hoe, “Hia, izaho—izaho io zazalahy io.” Hoy izy hoe, “Izaho—tsy sitrana fotsiny ihany aho,” fa hoy izy, “izaho—izaho—voavonjy aho hatramin’io fotoana io, ihany koa.” Noho izany, izany, izay ilay izy.

¹²¹ Oh, fahasoavana mahagaga! Ilay Andriamanitra iray ihany, izay mpangataka jamba iray no afaka nampijanona Azy, vehivavy tsy misy dikany, kely, mainty iray no afaka nihazona fiaramanidina iray. Ny fivavahany sy ny finoany an'Andriamanitra! Nino an'izany izy.

¹²² Nijanona Jesosy. Ny tarehin’io mpangataka io no nampijanona Azy avy hatrany teo amin'ny Lèlany. Tiako ny hanana hariva vitsy, hitoriana an'izany lohateny izany hoe, “Ary avy eo dia nijanona Jesosy.” Fa nijanona teo Izy, nanao hoe, “Ento eto izy.” Amena.

¹²³ Efa namaky tantara iray mikasika an'i Bartimeo jamba aho, teto fotoana vitsy lasa izay, fony aho naka ny tantaran'ny Baiboly; angano iray angamba ilay izy. Fa voalaza fa nino ny fanasitranana foana izy. Tsy mamparinona izay nolazain'ireo mpisorona, mbola nino an'izany foana izy. Voalaza fa lehilahy iray nanambady izy, nanana vady iray, ary zazavavy kely iray izay tsy mbola hitany mihitsy. Saiky teo amin'izany taona izany izy, teo amin'ny enina ambin'ny folo taona teo. Tsy mbola nahita azy mihitsy izy. Nilaza an'izay nataony ho an'ny—ny . . .

¹²⁴ Fantatrareo, tsy maintsy manana zavatra iray hafa kely noho ilay olona hafa ianareo, rehefa mangataka, raha tsy izany dia tsy afakaahasintona ny fifantohan'ny olona ianareo. Any Inde, izy ireo—mamela an'ireo mangoustes kely hamono cobra iray izy ireo, ary zavatra iray hafa izay azon'izy ireo atao mba hisintonia fifantohana. Izaho efa nahita ra—rajako naka tsorakazo iray ary nikapoka baolina fotsiny, teny an-dàlambe, zavatra iray hafa, mba hisarhana fifantohana, amin'izay fotoana izay dia omen'izy ireo vola izy ireo.

¹²⁵ Ary voalaza fa nanana domoina roa i Bartimeo izay nanao, manao tsingolobatita, tahaka ny kely...eo ambonin'ny iray hafa, ary izany dia nampiala voly ny—ny olona, ireo mpizahatany, ary nomen'izy ireo vola izy.

¹²⁶ Ary voalaza fa indray alina ny—tena narary ny vadiny. Ary nalain'izy ireo ny dokotera, ka hoy ilay dokotera hoe, “Bartimeo, tsy misy na inona na inona azoko atao. Izy, tsy afaka mampijanona an'io tazo io aho.”

¹²⁷ Ary voalaza fa nitsapatsapa ny lâlany nanodidina ny rindrina izy, ary nivoaka ny trano, ka nanao hoe, “Jehovah, tiako Ianao. Mino Anao aho. Tsy manana na inona na inona azoko atolotra Anao aho. Manana domoina kely roa aho eto, izay anaovako ny fivelomako. Fa raha hamela ny vady malalako hijanona hiaraka amiko hanampy hitaiza ny zanako fotsiny Ianao; ary jamba aho, ka tsy afaka mahita; raha hamela ny vadiko ho salama fotsiny Ianao mba ahafahany manampy ahy eo, dia hampanantena Anao aho, fa rahampitso dia hanao fanatitra iray lehibe aho. Ho entiko ireo domoina keliko, fanatitra iray ho fanatitro.”

¹²⁸ Eny, milaza izy ireo fa nety tsara ny vadiny. Nentiny ireo domoina roa ka natolony izy ireo.

¹²⁹ Fotoana vitsy taorian'izany, dia narary ny zananivavy kely. Teo am-pahafatesana ihany koa izy, noho izany dia nivoaka izy mba hivavaka indray. Hoy izy hoe, “Jehovah, tsy manana na inona na inona tavela aho, saingy manana ny zanak'ondriko aho.” Ary tamin'ireo andro ireo, dia zanak'ondry iray no mitarika ny jamba tahaka ny ataon'ny alika mpahita iray ankehitriny, nofanina hitarika ny jamba izy ireo. Ary nanana zanak'ondry iray izy izay nitarika azy nankeo amin'ny toerany izay nangatahany. Hoy izy hoe, “Ny zavatra tokana tavela izay ananako, Jehovah, dia ity zanak'ondry ity.” Dia hoy izy, “Raha hamela ny zanakovavy kely ho velona fotsiny Ianao, na dia tsy mbola nahita azy mihitsy aza aho, saingy tena fiononana iray izy rehefa mikasika ny volony amin'ny tânako aho.” Dia hoy izy, “Tia ahy izy, ary izaho tia azy.” Dia hoy izy, “Jehovah, raha hamela azy ho velona Ianao, izaho dia—homeko Anao ny zanak'ondriko, ho fanatitra iray.”

¹³⁰ Dia nety tsara ny zananivavy. Ary indro izy, nandeha nankany an-tempoly niaraka tamin'ilay zanak'ondry. Dia nivoaka ilay mpisorona ka nitsangana teo amin'ny lavarangana, ka nanao hoe, "Bartimeo jamba, ho aiza ianao, izao maraina izao?"

¹³¹ Hoy izy hoe, "Handeha hankany an-tempoly aho, hanolotra an'ity zanak'ondry ity ho fanatitra iray."

¹³² "Oh," hoy izy, "Bartimeo jamba, tsy afaka manao an'izany ianao." Hoy izy, "Hanome vola vitsivitsy ho anao aho, ka mandehana ianao mankeo amin'ireo—ireo talantalana, ka mividiana zanak'ondry iray ka atolory izany."

¹³³ Hoy izy hoe, "Tsy nampanantena an'Andriamanitra zanak'ondry iray mihitsy aho. Nampanantena an'Andriamanitra an'ity zanak'ondry ity aho."

¹³⁴ Hoy izy hoe, "Fa, Bartimeo jamba, tsy afaka manome an'io zanak'ondry io ianao, satria io zanak'ondry io no masonao."

¹³⁵ Hoy izy hoe, "Raha mankatò ny fampanantenako an'i Jehovah aho, dia Izy no hanomana zanak'ondry iray ho an'ny masoko."

¹³⁶ Izy dia nanana, tamin'io marainan'ny Oktobra io, Zanak'ondry iray efa voaomana ho mason'i Bartimeo jamba. Hoy Izy, "Ento eto izy." Nametraka ny Tànany teo amin'ny masonry Izy, ary io Zanak'ondrin'Andriamanitra voaomana io no nanokatra ny masonry.

¹³⁷ Ry sakaiza, fantatrareo, mety misy betsaka no voalaza ny amin'ity tantara ity mikasika Azy nandeha nankeo amin'ny fanohomboana, saingy halaintsika izany indray andro any aoriana. Fantatrareo ve, fa io Zanak'ondry iray io ihany no voaomana izao hariva izao ho masonareo, ihany koa? Eto io Zanak'ondry iray ihany io izao hariva izao. Andriamanitra no nanomana. Tsy manana hafa Izy, tsy hanana iray hafa mihitsy. Io no Zanak'ondrin'Andriamanitra voaomana. Mino an'izany ve ianareo?

¹³⁸ Nijery ny famantaranandroko aho, efa eo amin'ny folo latsaka roapolo minitra sahady aho, nefä saika hiezaka hijanona tamin'ny sivy ora aho, hivoaka amin'ny sivy sy sasany, amin'ny ora mahazatra.

¹³⁹ Fa ndao isika hanondrika ny lohantsika vetivety. Tiako ny maso tsirairay hikimpy ankehitriny, ary ny lohanareo hiondrika. Aoka ho tena hanaja vetivety.

¹⁴⁰ "O Jesosy, Ianao ry Zanak'i Davida," niantsoantso ilay mpangataka hoe, "mamindrà fo amiko." Ary tsy nety nipetraka tsara izy. Izy—izy tsy maintsy...izy—tsy maintsy misintona ny Fifantohany izy. Ary tsy mino ve ianareo izao hariva izao fa ny antsoantsonareo iray ihany no hitondra Azy eo amin'ny sehatra

indray? Efa nanao ilay izy tamin'izany. Nahoana no tsy hanao an'izany indray ilay izy?

¹⁴¹ Ankehitriny raha manondrika ny lohanareo sy ny fonareo ianareo, dia tiako ny hiantsoantso Azy hoe, “Jesosy!” Aza miantso Azy hoe Zanak’i Davida, satria tsy Zanak’i Davida Izy ho anareo, Tompo Izy. “Jesosy, Tompo, mamindrà fo amiko. Sokafy ny masoko jamba. Nandre an’ilay mpitoriteny izay miaraka aminay aho izao hariva izao, milaza fa Ianao no nampanantena haneho ny Tenanao amin’ilay taranak’i Abrahama, amin’ny andro farany, tahaka ny Nataonao tamin’i Abrahama sy ny taranany tamin’izany andro izany. Ianao no nampanantena an’izany, hoe Ianao no Teny.

¹⁴² “Tao anatin’ireo hariva vitsy lasa, izaho—nahamarika zavatra hafahafa aho. Izy no nilaza, ao amin’ny Masindahy Jaona, fantatra, 14:12 hoe, ‘Izay mino Ahy, ireo asa izay Ataoko no hataony koa.’ Ary nikasika ny Lambany ilay vehivavy, ka Fantany hoe inona ny aretiny, ary satria dia—dia nampiasa an’io finoana betsaka io izy. Nahoana, mba hinoana an’izay naha-izy Azy, ny Finoany an’izay nataony, dia Nambarany fa salama izy, nanao hoe, ‘Ny finoanao no namonjy anao.’ Ary lehilahy jamba iray teo amin’ny vavahadin’i Jeriko, ilay zavatra iray ihany. Lehilahy iray tao anaty hazo iray, aninkeo maraina, voavela ny fahotany.

¹⁴³ “Sokafy ny masoko jamba, ry Zanak’ondry, mba ahafahako mahafantatra fa ao amin’Ny Fanatrehany aho, hoe eto Izy. Hoy Ianao hoe, ‘Na aiza na aiza no iangonan’ny roa na telo amin’Ny Anarako, Izaho—eo afovoan’izy ireo Aho.’ Sokafy ny masoko jamba, ary mamindrà fo amiko, O ry Zanak’ondrin’Andriamanitra.”

¹⁴⁴ Ary raha mbola mivavaka an’izany ianareo, raha misy fisalasalana iray fotsiny ao an-tsainareo, efa nisy fisalasalana iray na taiza na taiza . . . Eo ankaton’ny asam-panasitranana iray lehibe isika izao ankehitriny izao. Raha efa nisy fisalasalana iray mikasika an’izany, dia tsy hangataka Azy hanala an’ireo kirana rehetra hiala amin’ny masonareo ve ianareo, mba ahafahanareo hahazo mazava tsara?

¹⁴⁵ Ireo hariva vitsy izay efa niezahako, tamin’ny foko rehetra, hanao anareo hahita zavatra, hoe manome ny Famantarany farany ho an’ny fiangonana Izy, alohan’ny Iverenany mankany amin’ireo Jiosy. Tsy maintsy antsoina ilay Ampakarina Jentilisa.

¹⁴⁶ [Miteny amin’ny fiteny tsy fantatra sy mandika ny rahalahy iray—Mpand.] Amena. Ankehitriny raha azoko tsara, raha mbola mivavaka ianareo, dia miteny ny Fanahy Masina ary avy eo dia manome ny fandikana, manome fanasana iray ho anareo Andriamanitra.

¹⁴⁷ Firy ato no ho tia an’ilay Zanak’ondrin’Andriamanitra voaomana hanokatra ny masonareo, mba ahafahanareo hahita

Azy eto ankehitriny, manatrika? Hanangana ny tanganareo ve ianareo, manaova hoe, "Andriamanitra, sokafy ny masoko jamba. Avelao aho hanaisotra ny voaliko hiala amin'ny foko, Tompo, mba ahafahako hahazo."

¹⁴⁸ Ary ankehitriny ahoana no hahafantarana Azy? Ahoana no hahafantarantsika Azy? Amin'ny Natiorany, izay Ataony, ireo Asany. Hoy Izy hoe, "Izaho no voaloboka, ianareo no sampana." Ankehitriny, ilay sampana no mitondra ny voankazo, fa tsy ilay voaloboka. Ilay voaloboka dia manome hery an'ilay sampana. Ary raha mba hamokatra ilay sampana, na hamokatra sampana iray ny voaloboka iray, dia manana voaloboka izy eo aminy; ny voaloboka manaraka izay mivoaka, na ny sampana avy ao amin'io voaloboka io, dia banana voaloboka eo aminy. Raha ilay fiangonana voalohany izay nivoaka avy tamin'io voaloboka io, no fiangonana pentekotista iray, niaraka tamin'ireo fanomezampahasoavana rehetra, raha mba mamoaka sampana iray hafa izy, dia hanoratra Bokin'ny Asa iray hafa izy ireo aorian'izany. Ary izany no nananan'izy ireo tamin'ny andron'ireo apostoly, ary tsy nifarana mihitsy ny taona apostolika.

¹⁴⁹ Hoy i Petera, tamin'ny Andron'ny Pentekosta hoe, "Mibebaha, ny tsirairay avy aminareo, ka aoka hatao batisa amin'ny Anaran'i Jesosy Kristy ho an'ny famelàna ny fahotana, ianareo handray ny fanomezan'ny Fanahy Masina. Fa ny teny fikasana dia ho anareo, sy ho an'ny zanakareo, ary ho an'ireo izay lavitra, arak'izay hantsoin'ny Tompo Andriamanitsika." Raha mbola miantso foana Andriamanitra, dia mbola mitohy foana ny taona apostolika. "Fa ny teny fikasana," ny teny fikasana tahaka ny nahe-izy azy tamin'izany, "dia ho anareo, sy ho an'ny zanakareo, ireo izay lavitra, arak'izay hantsoin'ny Tompo Andriamanitsika."

¹⁵⁰ Tompo, sokafy ny masonay, ka avelao izahay hahita an'io Zanak'ondry voaomana io. Ianao no nampanantena fa ny... fa hanambara ny Tenanao Ianao amin'ny andro farany, tahaka ny Nataonao tany Sodoma, rehefa voambara ny Zanak'olona. Mivavaka izahay, Andriamanitra, mba Hanekenao an'izany ankehitriny. Vahoakanao izahay, Tompo. Voalobokao izahay.

¹⁵¹ Tsy mendrika izahay, tsy mendrika hangataka na inona na inona izahay; fa raha nieritreritra an'izany izahay, amin'izay fotoana izay dia ho tena kely izahay, ho tena tsy tsara izahay. Fa, Tompo, rehefa miandranda Any aho ka mahita fa misy Zanak'ondry iray voaomana ho ahy, misy Zanak'ondry iray voaomana, amin'izay fotoana izay dia tsy mahita ahy Andriamanitra, mahita ny Zanak'ondriko Izy. Ary fantatro fa tsy misy na inona na inona tsy mety amin'io Zanak'ondry io. Efa noraisina Izany.

¹⁵² Ankehitriny, Tompo, aoka haneho ny Tenany eto afovoanay ny Tenin'Andriamanitra, izao hariva izao, ka ny finoan'io

Bartimeo izay ato io, ny tsirairay avy amin'izy ireo, sy ireo vehivavy niaraka tamin'ny fitsiha-drà na inona na inona ilay izy, sy ny an'i Simona Petera, ary ireo olona samihafa izay ato, izay manana ilaina, ireo Zakaiosy ao anatin'ny hazo. Aseho ny Tenanao, Tompo, amin'ny alàlan'ny nofon'olombelona. Aoka ho lasa velona eto anivonay Ny Teninao, izao hariva izao, mba hahafantaranay sy hahitanay fa Andriamanitra Ianao. Ary enga anie ny maso jamba rehetra hisokatra ho amin'ny fahazoana, Tompo, ka rehefa hanomboka ity asam-panasitranana lehibe ity, dia enga anie ho sitrana ny tsirairay avy amin'izy ireo. Ireto ankizy kely rehetra ireto, sy—sy ireo olona mitondra tehina, ary—ary na inona na inona no tsy mety amin'izy ireo, miaraka amin'ny tehina fotsy, enga anie izy ireo ho afaka handeha miala avy eto tahaka ny nandehanan'i Bartimeo. Nahazo ny fahitany izy. Ekeo izany, Ray. Mangataka an'izany amin'ny Anaran'i Jesosy Kristy izahay. Amena.

¹⁵³ Ankehitriny dia efa nivavaka isika. Ary ankehitriny—ankehitriny am-panajana ankehitriny, am-pahanginana, minoa. Ankehitriny izay izaho...Ity tantara an-tsehatra kely ity, ny maha-izy azy, na ny fahamarinana ilay izy na tsy ny fahamarinana ilay izy. Ary Kristy no tsy miova omaly, anio, ary mandrakizay. Ankehitriny dia ahoana no hahafantaranareo Azy?

¹⁵⁴ Ahoana moa raha mandeha eto ny lehilahy iray ankehitriny manao akanjo lava iray, ary volombava sy volo tahaka ny andokoan'ilay artista Azy, hola-pantsika eo amin'ny tànany, ary rà no mikoriana eo amin'ny tarehiny? Tsy ho Jesosy izany. Tsia. Mipetraka eo ankavanan'ny Fiandrianana Izzy; rehefa tonga Izzy, dia handohalika ny lohalika rehetra ary ny lela rehetra hiaiky. Noho izany...fa ahoana no hahafantaranareo Azy? Ny mpihatsaravelatsihy iray dia afaka mandoko ny tenany tahaka an'izany fotsiny ary mihetsika tahaka an'izany. Azo antoka.

¹⁵⁵ Fa ahoana no hahafantaranareo Azy? Misy Izzy rehefa mahita ny Natiorany ianareo, Ny Teniny voaseho ary manao marina tokoa an'izay efa Nataony foana, amin'izay fotoana izay vao fantatrareo fa Izzy izany. Marina ve izany? "Ireo asa izay Ataoko."

¹⁵⁶ Ankehitriny, hitanareo, avelao hino Azy fotsiny ny tenanareo ankehitriny. Avia. Aza avela hatory ny sainareo, araka ny lazain'ny olona. Aza manao an'izany. Tsy manatona an'Andriamanitra ianareo, amin'ny kisendrasendra. Manatona Azy ianareo, am-pahendrena, miaraka amin'Ny Teniny. Ento eo anatrehanareo ny Teny, ka manaova hoe, "Tompo, Ianao no nanao ny teny fikasana. Efa nangataka taminao aho mba hanokatra ny masoko. Avelao ny finoako hampijanona ny Tompo Jesosy, izao hariva izao. Enga anie Izzy hitodika aty amiko, ka hiteny amiko tahaka Azy...nataon'ilay vehivavy, taona maro lasa izay." Ary minoa amin'ny fonareo rehetra.

¹⁵⁷ Ankehitriny, araka ny mety hitako, ato amin'ny mpanatrika, dia tsy misy olona iray izay hitako ka fantatro. Vahiny ianareo rehetra.

¹⁵⁸ Ary matetika ianareo dia mihevitra fa ireo olona eto aloha eto fotsiny no mandray an'izany. Tsia, tsia. Eo... Tsy ahoako izay misy anareo, minoa fotsiny. Tsy ahoako, na aiza na aiza ato amin'ny tranobe. Izy no mahafantatra hoe iza ianareo ary aiza no misy anareo.

¹⁵⁹ Ankehitriny dia jereo raha Izy no tsy miova omaly, anio, ary mandrakizay, raha afaka mampijanona Azy ny finoanareo, tahaka ny nataon'i Bartimeo. Tsy voatery ho mpangataka iray ianareo. Tsy voatery hikiakiaka tahaka ny nataony ianareo. Tsy nampijanona Azy ny hiakiaka. Tsy nandre an'izany Izy. Ny finoana no nampijanona Azy. "Ny finoanao!" Tsy nilaza Izy hoe "ny hiakiakanao no namonjy anao." "Ny finoanao no namonjy anao." Hitanareo, "Ny finoanao no namonjy anao." Eny àry.

Isaorana anie ny Tompo!

¹⁶⁰ Manontany aho raha io mpitoriteny mipetraka eo io, ilay rahalahy loholona izay nitory teny nandritry ny dimy amby enimpolo taona, no hanao soa iray ho ahy? Hanao an'izany ve ianao, tompoke? Apetraho eo amin'io vehivavy mipetraka eo akaikinao io ny tànanao, dia hiala aminy ny aretim-pony. Eny àry, izay ilay izy. Mino an'izany ve ianao, ranabavy? Eny àry, izay ihany.

¹⁶¹ Inona no nokasihany? Tsy mbola nahita azy mihitsy aho, saingy nitranga ilay izy. "Raha mety mino ianao!" Mino ve ianareo ankehitriny?

¹⁶² Manondro Azy ve izany? Misokatra ve ny masonareo? Noho izany dia mijere Azy, mahafinaritra Izy, ilay Mpida Mahery! Tsy misy na inona na inona, tsy misy fanekem-pinoana, tsy misy anaram-piagonana, tsy misy siansa, na inona na inona, afaka mampijanona Azy. Andriamanitra Izy. Amena. Mihaika ny olona rehetra ato aho mba hino an'izany, hoe manatrika Izy ankehitriny.

¹⁶³ Firy no efa mba nahita an'io sarin'ilay Anjelin'ny Tompo io teo amin'ny gazety, izay ananan'izy ireo any Washington? Mitsangana eto amin'ny lampihazo Izy izao ankehitriny izao. Marina! Fantattro fa eto Izany. Fantattro izany. Tsy fanaticika iray aho. Lavitra an'izany aho. Miteny aminareo ny Fahamarinana ara-tSoratra aho. Minoa an'izany dia jereo izay mitranga.

¹⁶⁴ Indro, eto indray Izany. Io ramatoa kely maity hoditra mipetraka eo amin'ny farany eo io, mijery manodidina. Raha ny marina, dia mila fitia avy amin'Andriamanitra izy. Mpitoriteny iray izy, ary mivavaka izy mba hanampian'Andriamanitra azy ao amin'ny asam-panompoany. Tsy marina ve izany, ramatoa? Atsangano ny tànanao, raha marina izany. Tsy mbola nahita azy mihitsy aho, tena vahiny amiko mihitsy izy tahaka an'ilay

ramatoa kely, mainty hoditra izay tany Tennessee tamin'io fotoana io.

¹⁶⁵ Misy lehilahy iray eo, lehilahy mainty hoditra iray mipetraka eo mijery ahy, somary faly noho ny amin'izany. Mino ahy ho mpanompon'Andriamanitra ve ianao, tompoko? Mino ve ianao? Nikasika anao io vehivavy io tahaka ny nataon'izy ireo fotsiny, nanao hoe, "Mahereza tsara." Tsy izaho no miantso anao, fa Izy no miantso anao. Raha mino an'izany amin'ny fonao rehetra ianao, dia hiala aminao io diabetan-tsiramamy io. Mino an'izany ve ianao? Amena. Eny àry, noho izany dia afaka mahazo an'izany ianao. Amena. Deraina ny Tompo! Izay ilay izy.

Inona no nokasihany? Tsy nikasika ahy mihitsy izy. Nikasika Azy izy.

¹⁶⁶ Indro, mipetraka eto ny zazalahy tanora, fotsy iray, mipetraka eto mijery ahy. Ary faniriana lalina iray no ao am-pony. Tsy nahafantatra anao mihitsy aho, fa mitady ny batisan'ny Fanahy Masina ianao. Marina, ianao. Mino an'izany ve ianao? Minoa, dia ho azonao Izany. Mino an'izany ve ianao, ry lehilahy tanora? Eny àry, afaka mahazo an'Izany ianao raha hino an'izany.

¹⁶⁷ Eto misy vehivavy kely iray eto aoriana eto. Mijaly izy. Ny sandriny ankavia ilay izy. Nanana an'izany tapaka izy. Misy fatotra iray eo amin'izany, ny sandry ankavia. Eo amin'ny sandriny ankavanana, dia tratry ny névrite sy aretin-kozatra izy. Ho diso an'izany izy. Rtoa. Council, mino amin'ny fonao rehetra ve ianao? Mino ve ianao fa Andriamanitra dia hanao... Sitrana ianao. Jesosy Kristy no manao anao ho salama.

¹⁶⁸ Tsy mbola nahita an'ilay vehivavy mihitsy aho na nandre ny aminy, teo amin'ny fiainako. Jehovah no mahafantatra an'izany ho marina. Amena.

¹⁶⁹ Indro misy ramatoa kely iray, mainty hoditra mipetraka eto. Mijaly amin'ny fahasarotana izy, zavatra maro. Ny zavatra anankiray, tratry ny aretina eo amin'ny masonao ianao. Tsy hoe satria manao solomaso ianao; fa ho ratsy ireo masonao, na ahoana na ahoana. Tratry ny aretin-kozatra ianao. Raha marina izany, dia ahofahofaho ny tànanaao. Tratry ny fanatainana ianao ao amin'ny tratranao. Marina ve izany? Ahofahofaho ny tànanaao. Tratry ny aretim-bavony ianao. Raha marina izany, dia ahofahofaho ny tànanaao. Mino ve ianao fa hanao anao ho salama Izy? Mino ve ianao fa afaka miteny amiko Andriamanitra hoe iza ianao? Edna Gerald. Raha mino an'izany amin'ny fonareo rehetra ianao, minoa an'izany, dia afaka hahazo ny fahasirananao ianao. Amena.

¹⁷⁰ Mino ve ianareo fa Izy no tsy miova omaly, anio, ary mandrakizay?

¹⁷¹ Ahoana ny amin'io vehivavy mipetraka eo amin'ny farany eto io, ny laharana faharoa eto, mijery ahy mihitsy? Tratry

ny aretina izy amin'ny tongony. Mino ve ianao fa hanasitrana ny tongotrao Andriamanitra? Raha mino ianao, dia atsangano ny tànanao. Tsy mahafantatra azy aho, tsy mbola nahita azy mihtisy.

¹⁷² Ahoana ny amin'ilay ramatoa mipetraka eo akaikiny? Ianao ve...Mijere manky, ranabavy. Mino ahy ho mpanompon'Andriamanitra ve ianao, amin'ny fonao rehetra? Tratry ny névrite ianao izay manelingelina anao. Raha marina izany, dia ahofahofaho ny tànanao. Ankehitriny dia afaka ho sitrana ianao.

¹⁷³ Ilay ramatoa mipetraka eo akaikiny, mino an'izany ve ianao, amin'ny fonao rehetra? Ianao dia mijaly, ihany koa. Mino ve ianao fa afaka miteny amiko Andriamanitra hoe inona ny aretinao? Aretin'ny voa. Raha marina izany, dia ahofahofaho ny tànanao.

¹⁷⁴ Ramatoa mipetraka eo akaikiny, mino ve ianao? Mijaly amin'ny aretin'ny hozatra ianao, ary eo amin'ny maso. Raha marina izany, dia ahofahofaho ny tànanao.

¹⁷⁵ Ramatoa mipetraka eo akaikiny, mino ve ianao, ranabavy? Voaaloka ianao. Tratry ny aretim-bavony ianao, ary homamiadana ao amin'ny vavony izany. Mino ve ianao fa hanasitrana anao Andriamanitra? Amena.

¹⁷⁶ Mino ve ianao? Afaka lasa misokatra ve ny masonao ka mino fa Izy no Zanak'Andriamanitra? Noho izany, raha afaka ianao, dia mitsangàna amin'ny tongotrao ka ekeo Izy, ary minoa an'izany amin'ny fonao rehetra, hoe Izy no tsy miova omaly, anio, ary mandrakizay. "O Jesosy, Ianao ry Zanak'i Davida, mamindrà fo amiko!"

Aza mba mandalo ahy, O ry Mpamonjy mora,
Henoy ny antsoko tsotra;
Rehefa eo amin'ny hafa Ianao no mintso,
Aza mandalo ahy.

Ianao ilay Onin'ny fiononako rehetra,
Mihoatra noho ny aina amiko,
Iza no ho ahy eto an-tany ankoatra Anao?
Na iza any An-danitra afa-tsy Ianao?

¹⁷⁷ Inona no nitrange? Ny finoanareo, tahaka an'io mpangataka jamba io fotsiny, no niantso Azy ho eo amin'ny sehatra. Amena. Mino an'izany ve ianareo? Oh, tsy ilaina ny laharam-panasitranana iray. Firy no mino fa sitrana ianareo, na ahoana na ahoana? Atsangano ny tànanareo, derao Izy! Amena. Sitrana ianareo.

¹⁷⁸ Eto afovoantsika Jesosy Kristy, ilay Anankiray ihany izay nandeha tany Jeriko, izay nahafantatra an'i Zakaiosy tamin'ny anarana, izay nahafantatra an'i Bartimeo. Ilay Tompo Jesosy iray ihany, amin'ny endrika Fanahy Masina, dia eto, izao hariva

izao, manao an'ilay zavatra iray ihany izay Nataony, manaporofo tsy misy fahadisoana fa Izy no tsy miova omaly, anio, ary mandrakizay. Aza mamela an'ireo fanekem-pinoana, sy ireo teolojia, ary vanim-potoana mangatsiaka, hanakenda anareo. Ao amin'ny Fanatrehan'i Jesosy Kristy ianareo, Izay tonga voaseho eo anivonareo. Amena. Mino an'izany amin'ny foko rehetra aho. Amena.

¹⁷⁹ Ekeo ny fahasitrananareo, manao hoe, “Deraina ny Tompo! Manaiky an'izany aho.”

¹⁸⁰ Ndao isika hihira an'ireo fiderana ho Azy arak'izany. “Tiako Izy, tiako Izy.” Tianareo ve Izy? “Satria nitia ahy mialoha Izy.” Tianareo ve Izy?

Tiako Izy,

¹⁸¹ Manompoa Azy ankehitriny ao amin'Ny Fanatrehany. Fantatrareo fa tsy maintsy eto Izy.

. . . tiako Izy
Satria nitia ahy mialoha Izy
Ka nividy ny famonjeko

¹⁸² Izany dia fanasitranana, ihany koa. Ampahan'ny famonjenareo izany. Aiza no anaovanareo an'izany? Eo amin'ny an'i Kalvary—hazon'i Kalvary. Amin'ny fontsika rehetra!

Tiako Izy, tiako Izy

Hentitra amin'izany marina tokoa. Manompoa Azy!

Satria nitia ahy mialoha Izy
Ka nividy ny famonjeko
Teo amin'ny hazon'i Kalvary.

¹⁸³ Oh, tsy tianareo ve Izy? Raiso ny tangan'ny olona iray, manao hoe, “Deraina ny Tompo!” Raha mifankatia ianareo, dia dia Azy. Mitodiha fotsiny ka raiso ny tangan'ny olona iray, manao hoe, “Deraina ny Tompo! Deraina ny Tompo! Faly isika ny tonga eto, rahalahy, faly fa ao amin'ny Fanatrehan'ny Tompo Jesosy isika.” Amena. Amena. Mahafinaritra! Oh!

¹⁸⁴ Hoy i Paoly hoe, “Raha mihira aho, dia mihira ao amin'ny Fanahy.” Ndao isika hanompo ao amin'ny Fanahy, indray. Ndao isika hihira ao amin'ny Fanahy.

Tiako Izy, tiako Izy, (Haleloia!)
Satria nitia ahy mialoha Izy
Ka nividy ny famonjeko
Teo amin'ny hazon'i Kalvary.

¹⁸⁵ Oh, tsy tianareo ve Izy? Tsy mahafinaritra ve Izy? Mihirà!

Oh, mahafinaritra, mahafinaritra, Jesosy amiko,
 Ny Mpanolo-tsaina, Andrian'ny Fiadanana,
 Andriamanitra Mahery Izy;
 Oh, mamonjy ahy, miaro ahy amin'ny ota rehetra
 sy henatra,
 Mahafinaritra ny Mpanavotra ahy, deraina Ny
 Anarany!

Oh, mahafinaritra, mahafinaritra, Jesosy amiko,
 Izy no Mpanolo-tsaina, Andrian'ny Fiadanana,
 Andriamanitra Mahery Izy;
 Mamonjy ahy, oh, miaro ahy amin'ny ota sy
 henatra rehetra,
 Oh, mahafinaritra ny Mpanavotra ahy, deraina Ny
 Anarany!

¹⁸⁶ Inona no mety hitranga izao ankehitriny izao ao amin'ny Fanatrehan'Andriamanitra, tahaka an'izao?

Very aho fahiny, hita aho ankehitriny, afaka
 tamin'ny fanamelohana,
 Manome fahafahana sy famonjena feno Jesosy;
 Mamonjy ahy, miaro ahy amin'ny ota sy henatra
 rehetra,
 Oh, mahafinaritra ny Mpanavotra ahy, deraina Ny
 Anarany!

Oh, ndao isika hihira an'izany toy ny hoe hentitra amin'izany
 isika!

Mahafinaritra, mahafinaritra, Jesosy amiko,
 Ilay Mpanolo-tsaina, Andrian'ny Fiadanana,
 Andriamanitra Mahery Izy;
 Oh, mamonjy ahy, miaro ahy, oh, amin'ny ota sy
 henatra rehetra,
 Oh, mahafinaritra ny Mpanavotra ahy, deraina Ny
 Anarany!

¹⁸⁷ Oh, tsy manao zavatra aminareo fotsiny ve izany, mikosoka anareo, ao anaty? Fiombonana, oh, fihetseham-po iray toy ny inona! Tsy hatakaloko amin'ny vola rehetra izay azonareo angonina izao, ny zavatra hafa rehetra. Ario any izany, fa omeo ahy Jesosy. Oh, oadray! Eny, tompoko. Fiombonana!

¹⁸⁸ Oh, mamy toy ny ahoana ny mandeha ao amin'izao lâlan'ny mpivahiny izao, miankina eo amin'ilay Sandry mandrakizay, mahafantatra fa eto Izy! Oh, fitiavana amin'ny fahitana voalohany, zavatra iray ao anatintsika izay miantso! Oh, zavatra iray toy ny—ny... ilay sarona miala avy eo amin'ny fantsakana mamoaka rano, mampifantsitsitra fotsiny an'ilay rano; ary arakaraky ny ifantsitsirany kokoa, no manao azy hangatsiaka kokoa sy madio kokoa. Amena. Oh, mahafinaritra Izy! Sa tsy izany Izy? Tiako Izy. Ary ianareo? Oh, oadray!

¹⁸⁹ Tsy mifankatia ve ianareo? Ankehitriny ianareo Metodista rehetra mifandraisa t  nana amin'ny Pentekotista, ary ianareo Batista, ka aoka ho tena mpisakaiza mihitsy. Raha tsy afaka manao an'izany ianareo, dia tsy tia Azy. Marina izany. Satria, tia Azy izy ireo, ianareo tia Azy; Nandray anareo tamin'ny fanaonareo manokana Izzy, nandray an'ilay anankiray hafa Izzy, noho izany dia ndao isika hifanaraka ankehitriny. Oh, tsy mahafinaritra ve Izzy? Mino an'izany amin'ny fontsika rehetra isika.

¹⁹⁰ Oh, ndao isika hihira an'izany indray, ity hira fiderana fahiny an'ny fiangonana ity, "Tiako Izzy, tiako Izzy."

¹⁹¹ Tsy afaka milaza an'izany betsaka fotsiny aho, satria nitia ahy mialoha Izzy. Nitia ahy Izzy, mah mantra iray, ninia jamba, tia fahotana, zanaka mamolava mah mantra, tao anatin'ireo tatatra, ka niondrika Izzy nohon'ny Fahasoavany. Tsy nisy nidirako tamin'izany. Izzy no nify Ahy. Hia. Ahoana no mampety an'izany? Ahoana no ahafahan'ny tsipolitra iray hiova ho vary iray? Mila ny herin'Andriamanitra izany. Amena. Tiako Izzy. Oh, izaho—mahatsapa ho somary mpivavaka aho izao ankehitriny izao, ny tenako. Izaho—izaho—mahatsapa ho tsara aho.

¹⁹² Fantatro fa eto Izzy. Izzy izany. Izzy no nampanantena an'izany. Izzy, eto afovoantsika Izzy. Toy ny ahoana no itiavako Azy! Mahafinaritra Izzy. Manao anareo hahatsapa ho tsara ny mahafantatra fa tsy mila maminavina mikasika an'izany isika. Eto Izzy, manondro ny Tenany ao amin'ny Teny mihitsy, tahaka ny Ataony isan'andro, manao an'izany ho Izzy; tsy fanekempinoana iray, tsy zavatra angano iray; fa ilay Andriamanitra velona Izzy tenany. Ahoana no Nampahafantarany ny Tenany? Tsy tany Sodoma, fa tamin'i Abrahama; ary ankehitriny dia amin'ny Taranak'i Abrahama, manaraka Azy, izany no maneho fa Taranak'i Abrahama isika. Amena. Oh, oadray! Mahatsiaro ho tsara marina tokoa aho, izao ankehitriny izao.

Tiako Izzy, (Oh, ranonoram-pitahiana iray toy ny
inonal!) tiako Izzy
Satria Izzy . . .

Eritrereto fotsiny; talohan'ny nitiavanareo Azy, dia efa tia anareo Izzy!

¹⁹³ Tompo Jesosy, ekeo ny fahasitranan'ireto olona ireto, Ray, ka enga anie izy ireo ho sitrana, ny isan'isany sy ny tsirairay avy amin'izy ireo. Amin'ny Anaran'i Jesosy Kristy, no ivawahako, Tompo, ho an'ny Voninahitram. Amena.

. . . hazon'i Kalvary.

¹⁹⁴ Oh, ndao isika hanondrika ny lohantsika ankehitriny, moramora, am-pahanginana. Fantatrareo, zanaka fotsiny isika, na ahoana na ahoana. Zanak'Andriamanitra isika. Efa mba hitanareo ve hoe afaka toy ny ahoana ny zanaka iray manodidina

ny raiamandreniny? Mandinika azy ny raiamandreniny, hitanareeo. Ndao isika hisamonomonona an'izany.

¹⁹⁵ Jereo fotsiny Izy mitsangana eto, Andry Afo lehibe! Hoy Izy hoe, "Avy tamin'Andriamanitra Aho; handeha hankany amin'Andriamanitra Aho." Izy no ilay Logos izay niaraka tamin'i Mosesy tany an-efitra, ilay Andry Afo. Maty teo Kalvary Izy, mitsangana indray. Ary rehefa teny amin'ny lâlany nankany Damaskosy i Saoly, dia nandavo azy io Andry Afo iray ihany io; hoy izy hoe, "Iza moa Ianao, Tompo?"

Hoy Izy hoe, "Izaho no Jesosy."

¹⁹⁶ Avy tamin'Andriamanitra Izy; lasa nankany amin'Andriamanitra Izy. Voatondro ho miaraka amintsika amin'ny alâlan'ny porofo siantifika, amin'ny alâlan'ny porofon'ny fiangonana, amin'ny alâlan'ny zavatra rehetra.

Izaho...

Maneho an'ilay Zavany iray ihany, manambara Ny Teniny. Izy no mpandika teny. [Misamonomonona ny *Tiako Izy Rahalahy Branham—Mpand.*]

¹⁹⁷ Tsy ho fotoana iray mahafinaritra ho Azy ve ny ho tonga izao ankehitriny izao, mijery manodidina ka mahita ny olona rehetra novaina, lasa? Ho avy Izy indray andro any.

¹⁹⁸ Ankehitriny miaraka amin'ny lohantsika miondrika, tena moramora. [Misamonomonona ny *Tiako Izy Rahalahy Branham—Mpand.*]

¹⁹⁹ Tsarovy, ireo fivoriana amin'ny maraina. Raha vahiny iray ianareeo eto, ka tsy manana fiangonana; ireo pasitera mahafinaritra ireo, mino an'ity Filazantsara iray ihany ity izy ireo raha tsy izany dia tsy ho nanasa ahy teto izy ireo. Tonga soa mba handeha any amin'ny fiangonany izy ireo. Manàna fivoriana tsara iray rahampitso, alin'ny fialan-tsasatra tsara iray izao hariva izao, ary avy eo dia miverena rahampitso tolakandro ho an'ny asam-panasitranana.

²⁰⁰ Eny àry Andriamanitra hitahy anao, rahalahy.



MANANA ZANAK'ONDRY IRAY VOAOMANA ANDRIAMANITRA MAG64-0620E
(God Has A Provided Lamb)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy hariva, 20 Jona, 1964, tao amin'ny Municipal Auditorium ao Topeka, Kansas, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org